

SAYIKEREWA bo Yesu yi kereeri YOHANE ni

¹ Ahin jore n ye Nyeme seeri Yesu Kristo ka i yi kere i akoom fa ko sam bo i ce ma na bu ba yo n a. Na Yesu asunma i merere i akoo Yohane do, na i ko se i jore ni.

² Jore n bo Nyeme ni Yesu Kristo yi kereeri Yohane na i nuuri i ni, nyini ye wo di i daani akere i n a.

³ Sono kere bo i kaanri ahin kadasi ni, terefi wo i do. Na minem kere bo bu tiiri i jore na bu deeri i, terefi wo bu do, dama sangha n adodo bo nyini sam kere ba yo.

Kabo Yohane kereri kadasi yoori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama asese nso n bo bu wo Esiya awore n nu n a. Nyeme bo i wo bere, na i yo woori bere, na i ba wo bere sangha kere ni, ni i awiewie busu nsom n bo bu wo yiri Nyeme kpiri n nyunu ni ma am ahoreda, na am di bu ahorama. Bekun, Yesu Kristo, yiri bo i di i daani na i la dabunu ni, na yiri ti bo i du mo tengeeri yiwee nu ni, na i kaaki ti durunya n nu nfemem kere tii ni, ma am ahoreda, na am di i ahorama. Yiri koro ya, na wo fa i mbunja ade ya afite ya satie kere nu,

⁶ na wo yo ya i femeya n nu minem na ya yo i sayoowa donguyofom, na ya su i Si Nyeme. Yiri Yesu Kristo ni, yiri ti ye ni ka ya wura i kpiri a, i dee la yiko sangha kere. Ami.

⁷ Am niε, i fite angoro yinyingu n nu ba,
 na sonɔ kere nyumbaa bá nju i,
 fa sanga ni minem bo bu wɔori i kpiε n kere.
 Yiri ti, durunya n nufɔm kere sún.

I ti sɔ ɔ. Ami.

⁸ Ya Mi Nyeme Feme Kpiri bo i wo bere ni, na i
 yo woori bere, na i bá wo bere sanga kere n ase
 ka, “Mini ti mɔfɔ a, na m kaaki ti kasinfo.”

Kabo Yohane njuuri Kristo ka alele nu ni

⁹ Mini Yohane ti am niwa bo m ni amberε kere
 sanga di wahara ni mindi Yesu dεε ti, na ya ti i
 femeya n nu minem ni. Nyeme nɔanie n bo ma
 kan i ni, ni Yesu daani n bo ma di i n dεε ti, na
 ba fa m akɔ aji miε be bo i wo lui bambaka n bo
 i wo tieku n nu na bu fere i ka Patamosi n su.

¹⁰ Ya Mibiε n dεε cεen ni, na Nyeme Awiewiε
 Casi n awura m nju, na ma ti akonvi bambaka be
 nga m sin, ka awiε dεε su.

¹¹ Na wɔ se m ka, “Kere deke n kere bo a nju i n
 wura kadasi n nu, na a fa ma Kristo jama asεε
 nsom bo bu wo ahin miε kpirim n su ni, bere la
 Efeso, ni Samirina, ni Perεgamon, ni Tiyatira, ni
 Saradisa, ni Filadεlefiya, ni Lawodikaya.”

¹² Na ma ce anie m sin ka m nju sonɔ n bo i jɔjɔ
 m dɔ ni, m ce niεeri ni, na ma nju fitana takaabiri
 nsom bo bu ti sika ni.

¹³ Na ma nju be ka adamande wa ni, i wo bu
 afien, i wura tanlεε tintiin yorom, na wɔ fa sika
 dambara abo i hoe su.

¹⁴ I tiinmiε kere ti fofoe papasi ka gise wɔ, na i
 nyumbaa kere je ka sin fofoe.

¹⁵ Na i jaa gbagbaa kere boro ka jawii bo ba
 fa awura sin nu na wɔ boro sonsoen, na i konvi

bo awie kabo nzue beberebe songi na i bo awie barasu ni.

¹⁶ I bita asarambaam nso i saa fomboro nu, na takobe nana afite i nso nu. I nyunu je kabo wie ba bi na i je n wo.

¹⁷ M nyuri i so ni, na ma kaba ada i jaa bu asienngu ka ma wu dee su wo, na wo fa i saa fomboro anana m nyu, na wo se m ka, "Ma a soro sere. Mini ti deke kere bumboori ni i awieeri a.

¹⁸ Mini ti bo i wo bere sangga kere n a. Nie fen. M yo wuuri wo, ama, kisa, ma tenge yiwee nu. M la ngoo bo i la ma awieeri. Mini bita yiwee ni Yiweefom Woobiri kadombaa a.

¹⁹ Nyini ti, kere sam bo a nyu bu ni, ni bo bu suyo kisa ni, ni bo bu ba yo ahin dee sin ni.

²⁰ Asarambaa nsom bo a nyu bu m saa fomboro n bu la ka, Kristo jama asese nsom n merkem. Na fitana takaabiri nsom bo bu ti sika ni gusu bu la ka, Kristo jama asese nsom ni."

2

Nɔaniɛ n bo bu fa maari Kristo jama n bo i wo Efeso ni

¹ Na wo se m ka, "Kere kadasi fa ma merke n bo i nie Kristo jama n bo i wo Efeso mie kpiri n nu ni, na a se bu ka, 'Ahin nɔaniɛ n fite mini bo m bita asarambaa nsom m saa fomboro nu ni, na m kaaki nati fitana takaabiri nsom bo bu ti sika n afien n do o.

² M si am sayoowam, m si kabo am ayo am juma ni anyumboro barasu, ni kabo am la mindi barasu ni, na m si kabo am de ma satieyofom ni. Na m kaaki si kabo am ayi koresi anu minem bo

bu ŋa bu ti m jaramasam, ama, bu woowa kere ka bu ti má sɔ, na am aɲu ka bu ti kɔrɛfɔm ni.

³ Mini dɛɛ ti, am ayo sawɔrɛ amindi am wahara nu, am nya fie má, am toko su m su.

⁴ Ama, jɔrɛ kun bo m fa jaraki am la ka, kisa am koro má m kabo am yo koro m ni.

⁵ Nyini ti, am bu am tii nu fɔ na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni.

⁶ Ama, am sa kun bo i yo m fie n la kabo am koro má Nikolaitafɔm sayoowam ni, mini mmɔɔ koro má bu sayoowam ni.'

⁷ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sɔnɔ kɛrɛ bo i di nasara, m má i atin na i di baka n bo i ma ŋɔɔ n dɛɛ suuwa na i wo Nyemɛ dika n nu ni."

Nɔaniɛ n bo bu fa maari Kristo jama n bo i wo Samirina ni

⁸ Na wɔ se m ka, "Kɛrɛ kadasi fa ma mɛrɛkɛ n bo i niɛ Kristo jama n bo i wo Samirina miɛ kpiri n nu ni, na a se bu ka, 'Ahin nɔaniɛ n fite mini bo m ti deke kɛrɛ bumboori ni i awieeri ni, na m yo wuuri na ma tenge yiwee nu ni dɔ ɔ.

⁹ M si kabo am adi wahara agaya barasu, ni kabo am ti yaarifɔm ni, ama, am ti nenɛgefɔm wɔ Nyemɛ dɔ. Na m si kabo minɛm kpiɛ am nzukɔ ni, bo bu yo bu ŋu ka bu ti Yudafɔm, ama, bu ti má Yudafɔm ŋgba, bu ti Sitana dɛɛ jama n wɔ.

¹⁰ Am dí wahara kisa, ama, má am soro sɛrɛ. Am ti fɛn, Sitana wúra am nbem saraka na i yó

am na i níe na am ɲú kekereke leburu. Ama, am su m ni nahɔɔre haari am bá wu, na m tó am ɲkato, yiri la ɲɔɔ bo i la má awieeri n a.’

¹¹ Sɔnɔ kere bo i koro ka i ti ahin jɔɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sɔnɔ kere bo i di nasara ɲú má yiwee kpe nnyɔ su n kun.”

Nɔanie n bo bu fa maari Kristo jama n bo i wo Peregamon ni

¹² Na wɔ se m ka, “Kere kadasi fa ma merɛke n bo i nie Kristo jama n bo i wo Peregamon mie kpiri n nu ni, na a se bu ka, ‘Ahin nɔanie n fite mini bo m la takobe nana n dɔ ɔ.

¹³ M si deke bo am woori ni, am woobiri n ti Sitana femɛya tanaabiri wɔ, ama, am toko su m ni nahɔɔre wɔ, am ayaki má m yaradayo, haari ni sangá bo bu kuunri Antipasi bo i diiri m daani nahɔɔre su am mie n nu, deke bo Sitana wo ni.

¹⁴ Ama, m la jɔɔre nbem bo m fa jaraki am, am nbem bita Baalam kereewa atin n wɔ. Yiri yo kereeri Feme Balaki, ye i maari Yisarelifom yoori satie diiri tie nie, na ba yo sakaraya.

¹⁵ Am nbem gusu ti sɔ ɔ, bu su Nikolaitafom dɛɛ atin kereewa n su wɔ.

¹⁶ Nyini ti, am kaaki am wo, má nyini, m bá am dɔ kisa, na m fá takobe n bo i wo m nɔɔ nu kun lue ni minem bo bu yo sɔ ni.’

¹⁷ Sɔnɔ kere bo i koro ka i ti ahin jɔɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni. Sɔnɔ kere bo i di nasara, m má i mi diire n bo bu fere i ka *mana* * ni, na i wo fiɛewa nu ni. Na m káaki ma i mi yabue fofoe be, ba kere duma fɔfɔre su, be koro

si má duma n bo i wo su ni, má ka yiri n bo i de i ni si i a.”

Nɔaniɛ n bo bu fa maari Kristo jama n bo i wo Tiyatira ni

¹⁸ Na wɔ se m ka, “Kerɛ kadasi fa ma mɛrɛkɛ n bo i niɛ Kristo jama n bo i wo Tiyatira miɛ kpiri n nu ni, na a se bu ka, ‘Ahin nɔaniɛ n fiɛ mini Nyɛmɛ Wa n dɔ ɔ, mini bo m nyumbaa je ka sin fofoe, na m jaa gbagbaa kerɛ boro ka jawii dɛɛ su ni.

¹⁹ M si am sayoowam, m si kabo am la koro barasu, ni kabo am su m ni nahɔrɛ su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jɔrɛ bo m fa jaraki am la ka, am amɔ am nɔɔ ye am niɛ Yezɛbɛli, bara n bo i yo i ɲu ka i ti Nyɛmɛ nɔaniɛ kanfɔ ni. I kere m akɔɔm wɔ na i daka bu, na bu suyo sakaraya, na i ma m minɛm di tiɛ niɛ.

²¹ Ma se i ka i kaaki i wo na i yaki somaya kɔ ni, wɔ kete ka i kaaki má.

²² Nyini ti, m má i da tukpaki kekereke, na i ni minɛm bo bu yo sakaraya n dí wahara agaya, nzen ba kaaki má bu wo ayaki má sam bo bu ni yiri yo bu ni.

²³ Na m kún i nbaam, na Kristo jama asɛsɛ n kerɛ sí ka, mini fiiti si deke bo i wo sɔnɔ kerɛ ahore su, ni i sunsunni nu. Na m fá sɔnɔ kerɛ sayoowa tɔ i kaari.

²⁴ Ama, ambɛrɛ Tiyatirafɔm nbem bo am aka, na am su má i kereewa atin n su ni, ambɛrɛ asɔnsɔn má deke bo nbem fere i ka Sitana asiri

nu sa bambaka ni. M suse am wɔ ɔɛɛ, m só má am sɔɔri nɔnɔri buka má su.

²⁵ Ama, atin bo am bita i ni, am bita i kenken haari sanɔa bo m bá kaaki ba.

²⁶⁻²⁸ Sɔnɔ kɛɛ bo i di nasara na i yo m sa koroowa kɔ juuri awieeri, m má i yiko kabo m Si ama m yiko ni, na i níɛ daanfíe daanfíe kɛɛ su. Na i bíta bu kekereke kabo nanɔkasi fa bulaari kɔrɔma tu bo i naanim barasu ni, na i fúfu bu kabo bu fufu yakatise barasu ni. Na m má i asaakojo.’

²⁹ Sɔnɔ kɛɛ bo i koro ka i ti ahin jɔɛ n bu, i ti ye ni ka i mi so i sui na i ti kabo Awiewíe Casi ni suse Kristo jamam barasu ni.”

3

Nɔanie n bo bu fa maari Kristo jama n bo i wo Saradisa ni

¹ Na wɔ se m ka, “Kɛɛ kadasi fa ma mereke n bo i niɛ Kristo jama n bo i wo Saradisa miɛ kpiri n nu ni, na a se bu ka, ‘Ahin nɔanie n fite mini bo m la Nyemɛ awiewíe busu nso n na m bita asarambaam nso m saa nu dɔ ɔ. M si am sayoowam, am wo ka am la nɔɔɔ, ama, am ti fuinm wɔ.

² Nyini ti, am yasu na am bita deke n bo am toko la i n kenken, má nyini, i wú wɔ. Dama ma nɔ ka am sayoowam n akpiɛ su Nyemɛ dɔ.

³ Am tenɔe su, kabo am yo tiiri Nyemɛ nɔanie n na am deerí i ni, am kaaki am wo na am bita i, nzen am ayasu má, am si má sanɔa bo m bá ni, dama m bá fura am nu ka awiefɔ dɛɛ su wɔ.

⁴ Ama, m la mine nbem bo bu wo Saradisa Kristo jama n nu, bo ba saaki má bu sutura ayo

má bu fin, bu sayoowam nu. Bere bá wura tanléε fofoe na m ni bere sán̄ga nati a, dama bu ti ye ni sɔ ɔ.

⁵ Sɔnɔ kere bo i di nasara, i wúra nyini tanléε fofoe n be sɔ ɔ. Na m yí má i mi duma fite má η̄gɔɔ kadasi n nu, ama, m bá jina m Si ni i merékem nyunu, na m sé bu ka i ti m dεε sɔnɔ ɔ.’

⁶ Sɔnɔ kere bo i koro ka i ti ahin jɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔanie n bo bu fa maari Kristo jama n bo i wo Filadelfiya ni

⁷ Na wɔ se m ka, “Kere kadasi fa ma meréke n bo i nie Kristo jama n bo i wo Filadelfiya mie kpiri n nu ni, na a se bu ka, ‘Ahin nɔanie n fite mini bo m ti casi na m ti nahɔrefɔ, na m bita Feme Davidi kadombaa n bo i kere ka m la i dεε yiko n be wɔ, na nzen m tekeeri anɔ, be koro tu má i, na nzen m tuuri i gusu, be koro teke má i.

⁸ M si am sayoowam, am nie, ma teke anɔ ama am bo be wo má bere bo i koro tu i. M si ka am la má far̄ga agaya, ama, haari ni nyini mmɔɔ, am fite má m sin, am toko bita m nɔanie n ni nahɔre wɔ.

⁹ Am yaki bo bu su Sitana n na bu yo bu η̄u ka bu ti Yudafɔm ni, bu ti kɔrefɔm wɔ, bu ti má Yudafɔm η̄gba. M má bu ba kutu am nyunu na bu si ka m koro am.

¹⁰ Am ade m nɔanie ni, na am amindi n dεε ti, m yí am fite kekereke n bo Nyeme bá fa yo durunya n nufɔm kere na i nie ni.

¹¹ M cé má, m káaki ba kisa. Atin n bo am bita i ni, am bita i kenken na má be fin am η̄katɔ ni.

¹² Sɔnɔ kere bo i di nasara, m fá i yo jantaraka Nyeme Sereebiri Awuru n nu na i wó nu dɔ sanɔ kere. Na m kere Nyeme duma mata i, na m kere Nyeme mie n duma, mie n bo i fite angoro Nyeme dɔ na bu fere i ka Yerusalem fɔfɔre, na m káaki kere m duma fɔfɔre n gusu mata i mi ɲu.’

¹³ Sɔnɔ kere bo i koro ka i ti ahin jɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔanie n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kere kadasi fa ma mereke n bo i nie Kristo jama n bo i wo Lawodikaya mie kpiri n nu ni, na a se bu ka, ‘Ahin nɔanie n fite mini bo m ti Ami na m la dabuɲu, na m di daani ni nahɔre su n dɔ ɔ. Mini ni Nyeme du mɔ yo woori bere a, ye ya yiiri deke n kere a.

¹⁵ M si am sayoowam, am ti má niniki, am kaaki ti má kekere, nzen má am ti niniki wara kekere, má m koro.

¹⁶ Ama, am ti bɔbɔrɔki n dɛɛ ti, m púuti am m nɔɔ nu butu.

¹⁷ Am ɲa am ti nenɲefɔm wɔ, deke be kpie má am su, ama, am si má ka am la anunfɔ, na am si má ka am ti yaarifɔm, na am kaaki si má ka am ti anyinsinm, na am kaaki si má ka am nati am ɲunie ɲgbeɛn wɔ.

¹⁸ Nyini ti, m koro ka m tu am fɔ, na am bra m dɔ ba to sika kpa bo ba fa awura sin nu na wɔ fite casi ni, adena am yo nenɲefɔm nahɔre su, na am ba to sutura fofoe m dɔ, na am fa kata am ɲu, na má mine ɲu ka am nati am ɲunie ɲgbeɛn

na i la nyinse. Na am ba to anyumbaa ayiri m do, na am fa wura am nyumbaa nu na am koro nu asi nyunyumi.

¹⁹ Bo m koro bu ni, bere ye m jarki bu na m cin bu sui a, nyini ti, am boro am nyi na am kaaki am wo.

²⁰ Am ti fen, m jina so ano n sin subobo, sono kere bo i ti m konvi nga na i tekeeri ano ni, m ba wura i mi do, na m ni yiri sangga di diire.

²¹ Sono kere bo i di nasara, m ma i atin na i ba tana m bi m femeya bie n su, kabo ma di nasara na m ni m Si sangga tana i femeya bie n su ni.'

²² Sono kere bo i koro ka i ti ahin jore n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni."

4

Kabo bu su Nyeme i femeya n nu barasu ni

¹ Nyini sin, na wo yo m ka alele dee su, na ma nu ka ano be ateke angoro. Na ma ti akonvi nga ka awie dee su sujoko m do, i ti akonvi n bo i du mo jokori m do n wo. I na, "Fun bra angoro fen, na m kere u sam bo bu ba yo ahin sin."

² Jina nu n bere na Awiewie Casi n aba awura m nu na ma nu ka femeya bie wo angoro, be tana su.

³ Bo i tana femeya bie n su je piepieu kabo cenceri nbem je barasu wo, nbem je fofoe na nbem je kokore, na i femeya bie ni, deke be je piepieu angoro kabo nzue ba muna na ayi kpie nu ni.

⁴ Femeya bie aburanyo ni nna nbem taka bara ye i femeya bie ni, na nkpienkpienm aburanyo

ni nna tana biem su, bu wura tanlɛɛ fofuon na bu butu sika kere.

⁵ Na femeya biɛ ni sukpeɛ ka nzue dɛɛ su, na i sutiɛntiɛn, na i suyo naŋmiɛ. Fitana nso taka femeya biɛ n nyunu wo je su, bere la Nyeme awiewie busu nsom ni.

⁶ Deke be gusu da femeya biɛ n nyunu ka nzue bambaka dɛɛ su, i nyunu da cain ka nieɛnu wo.

Deke ŋɔɔfo nna nbem gusu abara aye femeya biɛ ni, bu la anyumbaa beberebe, bu nyunu ni bu sin n kere.

⁷ Ciciri su dɛɛ n ti ka jara a, nnyo su n ti ka toora, nsan su n nyunuawa ti ka adamande wo, na nna su n ti ka kajiri bo i sutu landi.

⁸ Bu kun kun kere la lanɔkpete nsen nsen wo, bu la anyumbaam bu ŋuniɛmbaa nu, ni bu ŋunie kere su. Na bu sudi jue koŋgue ni wiesu kere, ka,
 “Casi, casi, casi la ya Mi Nyeme Feme Kpiri,
 i yo woori bere, na i toko wo bere, na i ba wo bere sanɔa kere ni.”

⁹ Nzen bu nya sudi jue na bu fa kansi, ni jirima, ni anse ma yiri n bo i tana femeya biɛ n su ni, na i wo bere sanɔa bo i la ma awieeri ni,

¹⁰ nyini sanɔa, a ŋu ka nkpienkpienm aburanyo ni nna n sukutu i nyunu, na bu su i, yiri bo i wo bere na i la ma awieeri na i tana femeya biɛ n su ni. Na bu yi bu kere, sufa se femeya biɛ n nyunu, na bu sudi jue, ka,

¹¹ “Ya Micera ni ya Nyeme, woro ti ye ni ka a de kansi a, ni jirima, ni yiko.

Dama woro yiiri deke n kere a,
 u koroyanu ye a maari deke n kere la ŋɔɔ a.”

5

Kadasi n ni Bɔmbaa n jɔrɛ

¹ Na ma ɲu ka kadasi nyanyaawa be wo yiri n bo i tana femeya biɛ n su n saa fɔmbɔrɔ n nu, kerɛɛwa wo i kunnu ni i sin kerɛ su, ba fa wiɛ mɛnɛ amiɛ amata i busu nso.

² Na ma ɲu Nyemɛ mɛrɛke faɲgafɔ be ka i subo ndoori faɲga su ka, “Nma ti ye ni bo i koro cin ɲmaɲgi wiɛ mɛnɛ n na i teke kadasi n a?”

³ Ama, aɲgoro, ni asiɛɲgu, ni bo bu wo asien bu, be awo má berɛ bo i koro teke kadasi ni, na a ba kan ka i koro niɛ nu.

⁴ Be awo má berɛ bo i ti ye ni bo i koro teke kadasi ni, na a ba kan ka i koro niɛ nu n dɛɛ ti, na ma sun ni nyunvuin ɲgba.

⁵ Na nkpiɛnkpiɛnm n nu kun, ase m ka, “Má a sun. Niɛ fɛn, Fɛmɛ Davidi anuma kpiri ni, bo bu fere i ka Yudafɔm busu nu jara n adi nasara, i koro cin ɲmaɲgi wiɛ mɛnɛ nso n na i teke kadasi ni.”

⁶ Na ma ɲu bɔmbaa be, i ti ka ba kpiɛ i kɔm wɔ, i jina femeya biɛ n afien. Deke ɲgɔɔfɔ nnam, ni nkpiɛnkpiɛnm n abara aye i. I la mbie nso wɔ, i nyumbaa gusu ti nso wɔ. Berɛ la Nyemɛ awiewie busu nsom bo wɔ sunma bu durunya n kerɛ nu ni.

⁷ Na wɔ kɔ yiri n bo i tana femeya biɛ n su n dɔ, na wɔ de kadasi n afite i saa fɔmbɔrɔ nu.

⁸ I kɔ deerɛ kadasi n ni, na deke ɲgɔɔfɔ nnam, ni nkpiɛnkpiɛnm aburanyɔ ni nnam n akutu i nyunu. Bu kerɛ la biɛku, na bu kerɛ bita sika ayaba bo wɔ yi ni ayiri kunkuunwa nvanvani

ngumi wɔ. Ayiri kunkuunwa nvanvani n ti nyemesere bo Nyeme dɛɛ mine sere i wɔ.

⁹ Na ba di jue fɔfɔre ama yiri Bombaa n ka,
 “Wɔrɔ ti ye ni ka a de kadasi ni,
 na a nmanɔi wie mene n a,
 dama wɔrɔ ye bu kpɛɛri u kɔm, ye a fa u mbunja
 ade minem tii aji a.
 Adamande kere, ni daanfɛ kere, ni aniem
 kere,
 ni asien barasu barasu kere bo bu wo du-
 runya n nu ni,
 bu nbem ayo Nyeme dɛɛ minem.

¹⁰ A fa bu ayo u femeya n nu minem,
 na bu yo u sayoowa dɔnguyofɔm,
 na bu nie durunya n kere su.”

¹¹ Na ma nie anu Nyeme merɛkem beberebe,
 akpii akpii buru nɔ, ka, ba bara aye femeya bie
 ni, ni deke ngɔɔfɔ nnam, ni nkpienkpienm ni.
 Na ma ti ka

¹² ba ye bu konvi su sudi jue, ka,
 “Bombaa n bo bu yo kpɛɛri i kɔm ni,
 yiri ti ye ni ka i de yiko a, ni nenɔge, ni
 alecira, ni fanga,
 ni jirima, ni kpiri, ni kansi a.”

¹³ Na ma ti ka deke kere bo bu wo angoro, ni
 asienɔgu, ni bo bu wo asien bu, ni bo bu wo nzue
 nu, ni deke kere bo Nyeme ayi bu, ka bu sudi jue,
 ka,

“Yiri n bo i tana femeya bie n su n ni Bombaa ni,
 berɛ ti ye ni ka bu de kansi a, ni jirima, ni
 kpiri, ni yiko,
 sanga kere sanga.”

¹⁴ Na deke ngɔɔfɔ nnam n ase ka, “Ami.”

Na nkpienkpienm n akutu asu Nyeme ni Bombaa ni.

6

Wie mene bo bu fa mata kadasi n jɔre

¹ Na ma ɲu ka Bombaa n aba acin aɲmanɲi wie mene nso n bo bu fa mataari kadasi n nu kun. Na ma ti deke ɲgɔɔfɔ nnam n nu kun konvi ɲga, kabo nzue tientien barasu ni, ka, “Fite.”

² M niɛri na ma ɲu ka, kpɔɲgɔ fofoe lɛɛ. Bo i fun i n bita taa ni awiɛ, na ba butu i femɛya kere, na wɔ kɔ ka luekunfɔ na i di nasara.

³ Na Bombaa n acin aɲmanɲi wie mene nnyɔ su ni, na ma ti ka deke ɲgɔɔfɔ nnyɔ su ni suse ka, “Fite.”

⁴ Na kpɔɲgɔ kɔkɔre afite, na ba ma i funfɔ n takobe tintiin, na ba ma i yiko ka i yi tanalaifɛ fite durunya n nu, na minem kun bu beɲgum.

⁵ Na Bombaa n acin aɲmanɲi wie mene nsan su ni, na ma ti ka deke ɲgɔɔfɔ nsan su n suse ka, “Fite.”

M niɛri na ma ɲu ka, kpɔɲgɔ biri lɛɛ. I funfɔ n bita deke bo bu bita sunsun diire ni i saa nu.

⁶ Na ma ti akonvi be ɲga deke ɲgɔɔfɔ nnam n nu, i ɲa, “Nɲani ayaba ɲgboroko kun ti jumayofɔ lekun ɲkatɔ ɔ. Na abuwe ayaba ɲgboroko nsan ti jumayofɔ lekun ɲkatɔ. Ama, má am saaki ɲguin ni nzan ni.”

⁷ Na Bombaa n acin aɲmanɲi wie mene nna su ni, na ma ti ka deke ɲgɔɔfɔ nna su n suse ka, “Fite.”

⁸ M niɛeri na ma ŋu kɔŋɔ nzuin faa, i funfo n duma la Yiwee, na bo bu fere i ka Yiweefom Wobiri n gusu su i su. Na Nyeme ama bu durunya kpaaki nu nna buekun yiko ka bu fa lue, ni ahɔe, ni tukpaki, ni boro nenɔndɔre tiem, na bu kun bu.

⁹ Na Bombaa n acin anmangi wie mene nnu su ni, na ma ŋu minem awiewie Mikun yoowa yoobiri n bu, bere la minem bo bu yo kuunri bu fa ko bu Nyeme jɔre kaanwa, ni bu daani diiwa n deɛ ti.

¹⁰ Na bu sutien fanga su ka, “Ya Mi Nyeme Feme casi, nahɔrefo, cɛen nzu ye a di minem bo bu yo kuunri ya n jɔre na a cin bu sui ma ya?”

¹¹ Na Nyeme awura bu kun kun kere sutura fofoe, na wo se bu ka, “Am yi am ŋumi kaan ka, na bu ba kun am beɔgu akoom, ni am beɔgu Kristofom kere ko wie ka, kabo bu yo kuunri am barasu ni, na m di bu jɔre.”

¹² Na ma ŋu ka Bombaa n acin anmangi wie mene nsen su ni, na asien akpisi fanga su, na wie akaaki biri didiki ka nambiri numa, na sara n akaaki kokore ka mbunja deɛ su.

¹³ Na asarambaam afite angoro ati atoto kabo anuma ba kpisi damba baka na i poorim titi toto barasu ni.

¹⁴ Na angoro n kere anyanya kabo bu nyanya bie ni, na wo mini, na bukam, ni nzue nu lui bambakam kere ayasu bu tanaabiri.

¹⁵ Na durunya n nu nfemem, ni tereterefom, ni soja nkpienkpienm, ni nengefom, ni nfangafom, ni akoom, ni sono kere ako afie yabue

ngbingbirim buem nu, ni yabue bambakam bu, bukam su.

¹⁶ Na ba se ka, “Má bukam bereki go ya nu, na má yabue ngbingbirim kata ya nu, má i ti ye, adena má sonɔ n bo i tana femeya bie n su n nu ya, na má Bombaa n gusu cin ya sui.

¹⁷ Dama ceen bo Nyeme ni Bombaa ni cin sonɔ kere sui n aju, ye nma koro jina bu nyunu a?”

7

Yisarelifom mine akpii yaa ni akpii aburana ni nna n jɔre

¹ Nyini sin na ma nu merékem nna, ka bu jina durunya n awɔre nna n kere nu na bu kanda anuma, na má i kpie asien n su, ni tieku nu, wara i kpie go baka su.

² Na ma nu meréke be ka i fite wie afiri, i bita deke be bo Nyeme bo i wo bere sangá kere n fa se i minem nyaari. Na wo tien fanga su ajojo meréke nnam bo Nyeme ama bu yiko ka bu saaki asien n ni tieku n do,

³ na wo se bu ka, “Má am se ka am saaki asien n ni tieku n ni bakam ni, má ka ya ba ase Nyeme minem kere numa su nyaari awie ka.”

⁴ Na wo kan minem bo ba se bu nyaari bu numa su ni, na wo kere m bu no, bu kere ko yasuri mine akpii yaa ni akpii aburana ni nna a, bu fite Yisarelifom dee busu n kere nu wo.

⁵ Yuda dee busu nufom ti mine akpii buru ni akpii nnyo bo ba se bu nyaari, na Ruben dee busu nufom ti mine akpii buru ni akpii nnyo, na Gadi dee busu nufom ti mine akpii buru ni akpii nnyo.

⁶ Na Aseri dɛɛ busu nufɔm ti mine akpii buru ni akpii nnyɔ, na Nafatali dɛɛ busu nufɔm ti mine akpii buru ni akpii nnyɔ, na Manase dɛɛ busu nufɔm ti mine akpii buru ni akpii nnyɔ.

⁷ Na Simeyon dɛɛ busu nufɔm ti mine akpii buru ni akpii nnyɔ, na Levi dɛɛ busu nufɔm ti mine akpii buru ni akpii nnyɔ. Na Izaki dɛɛ busu nufɔm ti akpii buru ni akpii nnyɔ.

⁸ Na Zabulon dɛɛ busu nufɔm ti mine akpii buru ni akpii nnyɔ, na Yosefu dɛɛ busu nufɔm ti mine akpii buru ni akpii nnyɔ, na Benjamin dɛɛ busu nufɔm ti mine akpii buru ni akpii nnyɔ.

Jama beberebe bo ba nya tiide n jɔɛ

⁹ Nyini sin na ma ɲu jama beberebe, bu la má nɔ, bu fite durunya asien n kɛɛ su, ni adamande kɛɛ nu, ni durunya daanfɛ n kɛɛ nu, ni durunya aniem kɛɛ nu, ka, bu jina yiri n bo i tana femɛya biɛ n su n ni Bɔmbaa n nyunu. Bu wura tanlɛɛ fofoe yorom, bu bita kpakpa nyawam bu saa nu.

¹⁰ Na ba bo afere faŋga su ase ka,
“Nyemɛ bo i tana femɛya biɛ n su n ni Bɔmbaa
n ama ya nya ya tii a.”

¹¹ Na merɛkem n kɛɛ ajina abara aye femɛya biɛ, ni nkpiɛnkpiɛnm, ni deke ɲɔɔfɔ nnam ni, na ba dada bu nyunu su asiɛŋgu Nyemɛ bo i tana femɛya biɛ n su n nyunu, na ba su i.

¹² Na bu suse ka,
“Ami. Kansi, ni kpiri, ni alecira,
ni anɛ, ni jirima,
ni yiko, ni faŋga
ti ya Nyemɛ dɛɛ wɔ saŋga kɛɛ saŋga. Ami.”

13 Na nkpienkpienm n nu kun abisa m ka, “Nmam ye a n̄u ka bu wura tanlɛɛ fofoe yorom n a, ye bu fite ni wɔ?”

14 Na ma se i ka, “M mibiɛ, wɔɔ si a, mini si má.” Na wɔ se m ka, “Bɛɛ ti minɛm bo ba fite anyumboro kekereke nu n a, bɛɛ ye ba n̄misi bu sutura Bɔmbaa ni mbunja n nu ayo bu fofoe n a.

15 Nyini dɛɛ ti, ye bu jina Nyɛmɛ Sereebiri Awuru n nu,
i fɛmɛya biɛ n nyunu ye bu su i kɔŋgɛ ni wiɛsu n a,
na Nyɛmɛ bo i tana i fɛmɛya biɛ n su n wó bu dɔ na i yó bu kanda.

16 Ahɔɛ ni nzuehɔɛ tí má bu kun cɛɛn be,
wiɛ bó má bu,
na i kekere gusu wúra má bu.

17 Dama Bɔmbaa n bo i wo fɛmɛya biɛ n afien ni yó bu sasafɔ a,
na yiri fá bu kɔ bura nzue bo i tie
na i ma n̄gɔɔ bo i la má awieeri n a.

Na Nyɛmɛ núnuka bu nyunvuin kɛɛ bu nyunu.”

8

Wiɛ mɛnɛ nso su n jɔɛ

1 Sangga bo Bɔmbaa n cin n̄mangiiri wiɛ mɛnɛ nso su n ni, na deke kɛɛ atɔ amuna angoro n nu, haari miti aburasan.

2 Na ma n̄u mɛɛɛke nsom bo bu jina Nyɛmɛ nyunu ni, na ba fa awiɛ fitaawa nso ama bu.

3 Na ma n̄u mɛɛɛke nyinga ka i bita sika ayaba, bo bu fa ayiri kunkuunwa nvanvani gɔ nu na bu

kunkun i ni, na wɔ kɔ ajina Mikun n yoowa yoo-biri n bi. Na ba ma i ayiri kunkuunwa nvanvani beberebe ka i fa buka Nyeme minem nyemesere su, na i fa kunkun Mikun yoowa yoo-biri n bo bu fa sika mata su, na i wo femeya bie n nyunu ni.

⁴ Na ayiri kunkuunwa nvanvani n nmisini n ni Nyeme minem nyemesere n ayasu merere n saa nu afun akɔ Nyeme nyunu.

⁵ Na merere n ayi sin Mikun n yoowa yoo-biri n su, na wɔ fa awura ayaba n nu, na wɔ yi, na wɔ fa atu asandi durunya n nu. Na nzue sukpara sutientien, na i sujeje, na i sukpekpeɛ, na asien n akpisi.

Awie nso n bo bu kan i n jɔɛ

⁶ Na merere nsom n bo bu bita awie fitaawam n asese bu nɔ su ka bu kan awiem ni.

⁷ Na merere n bo i du mɔ n akan i deɛ awie ni. Na nzue yabuɛ, ni sin, sanja ni mbunja atɔ durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mone kere.

⁸ Na merere n bo i tɔ su nnyɔ su n akan i awie ni, na deke be, i ti ka buka bambaka wɔ, ye wɔ so sin su a, na ba fa i atu tieku n nu, na tieku n kpaaki nu nsan buekun akaaki mbunja.

⁹ Na deke ngɔɔfɔm kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

¹⁰ Na merere n bo i tɔ su nsan su n akan i awie ni, na asarambaa bambaka bo i je sin ka wura sin afite angoro aba atɔ kunmam ni nzuetinm

bo bu wo durunya n nu kpaaki nu nsan buekun nu.

¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dɛɛ ti, na minem dɔŋgu bo bu nuuri nyini nzue n awu.

¹² Na mereke n bo i tɔ su nna su n akan i awie ni, na deke be aba atɔ wie, ni sara, ni asarambaam kere kpaaki nu nsan buekun su asaaki bu, na ba kaaki biri tuum. Wiesu ni kɔŋgue n kpaaki nu nsan buekun, ayo má wein.

¹³ Na ma nie, na ma ŋu ka kajiri be sulaandi tu angoro, na ma ti kabo i tien barasu ni, i ŋa, “Oi, keto, keto wo sɔnɔ kere bo i wo durunya n nu n ŋu, kabo mereke nsanm bo ba ka n koro ka bu kan bu awiem ni, na bu tiiri.”

9

¹ Na mereke nnu su n akan i awie ni, na ma ŋu ka asarambaa be afite angoro n aba atɔ asienɔgu. Na ba ma i kadombaa ka i teke kunma n bo i kɔ ŋɔŋɔ na i la má awieeri ni.

² Na wɔ teke nyini kunma n ni. I tekeeri i ni, na ŋmisini afite kunma n nu, i ti ka sin bambaka tɔrɔɔwa ŋmisini wɔ. Na ŋmisini n bo i fite kunma n nu n ama wie ni angoro n kere asi biri didiki.

³ Na lalom afite ŋmisini n nu asandi ade asien n su, na Nyeme ama bu yiko, ka bundanim dɛɛ su.

⁴ Na wɔ se bu ka má bu di wura ni diire mbaa wara bakam, ama, bu kan minem n bo bu la má Nyeme anyaari seewa bu ŋuma su ni.

⁵ Wɔ ma má bu yiko ka bu kun minem wɔ, ama, bu kere bu wahara sara nnu. Wahara ni ti kabo bundaani kan sɔnɔ na i yo ya n wɔ.

⁶ Nyini sanɔa ni, adamande sún kpini yiwee busu na bu wú, ama, bu nyá má i.

⁷ Lalom n ti ka kpɔŋɔm bo ba cici bu ka bu kɔ lue dɛɛ su wɔ, deke be wo bu tii su, ka sika kere dɛɛ su, na bu nyunuawa ti ka adamande dɛɛ su.

⁸ Bu ndɔrɛ ti tintiin kabo bara bo i la tiiɲmie tintiin ti n wɔ, na bu jee ti ka jara dɛɛ.

⁹ Deke be kata bu hoe su pɛpɛrɛpɛ ka bulaari dɛɛ su, na bu lan̄kpɛtɛm suyo nan̄mie kabo kpɔŋɔm ni bu torokum n beberebe suɲmati kɔ lue na bu yo nan̄mie n wɔ.

¹⁰ Bu lɔ, bo bu fa kan n ti ka bundaani dɛɛ su wɔ. Bu la yiko bu lɔ n nu, bo bu fa kere mine wahara sara nnu.

¹¹ Bu fɛmɛ n la mɛrɛkɛ n bo i niɛ kunma ŋɔŋɔ n bo i la má awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² Tɔ. Ciciri su dɛɛ ahoresaaki n asin, nnyɔ wo sin suba.

¹³ Na mɛrɛkɛ nsen su n akan i awie n na ma ti akonvi be ŋa ka i fite Mikun yoowa yoobiri n bue nna n kɛrɛ, ba fa sika amata su na i wo Nyɛmɛ nyunu ni.

¹⁴ Na akonvi n ajoɔ mɛrɛkɛ nsen su n bo i bita awie n dɔ, i ŋa, “Kɔ mɛrɛkɛ nnam bo bu wo kunma kpiri n bo bu fere i ka, Yufarati n dɔ, na a nyaŋgi bu ji.”

¹⁵ Na wɔ nyaŋgi mɛrɛkɛ nnam bo ba du mɔ akpa bu ŋu an̄minda nyini cɛɛn n gbingbin na

bu kun mine bo bu wo durunya n nu kpaaki nu nsan buekun ni.

¹⁶ Na ma ti kabo bu sojam bo bu fun kpɔŋɔ nɔ ti, bu nɔ ko yasuuri akpii akpii busu yaa nnyɔ ɔ.

¹⁷ Deke n bo i yo m ka alele ni, m ŋuuri kpɔŋɔm, ni bo bu fun bu ni, ka bulaari pɛpɛrɛpɛ be kata bu hoe su, nbem boro kɔkɔrɛ ka sin wɔ, na nbem ti biri ka bura nzue, na nbem ti ka ndere nzue, kpɔŋɔm tii dika ti ka jara tii wɔ. Na sin, ni ŋmisini, ni ferewita sufite bu nɔɔ nu.

¹⁸ Ahin deke kekereke nsanm ni kuunri mine n bo bu wo durunya n nu kpaaki nu nsan buekun n a, bere la sin, ni ŋmisini, ni ferewita n bo i fite bu nɔɔ nu ni.

¹⁹ Dama kpɔŋɔm n yi ko kere wo bu nɔɔ, ni bu lom nu wɔ. Bu lom ti ka woom wɔ, bu la atii, ye bu fa kere mine wahara a.

²⁰ Minem bo ahin wahara n akun má bu na bu kaari ni, ba kaaki má bu wo, ba yaki má amɔem su, ni dekem bo ba fa sikam, ni jetem, ni jawiim, ni yabuem, ni bakam ayo bu ka bu amɔem, nyini dekem koro ŋu má asi, na bu koro ti má asui, na bu koro nati má ni, ba yaki má bu su.

²¹ Ba kaaki má bu wo fa ko kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu wɔ awie ni.

10

Mereke ni kadasi kaan n jɔrɛ

¹ Na ma ŋu mereke fangafɔ be bekun ka i fite aŋgoro sujura ba. Na yinyingu akata i ŋu ka tani deɛ su. Na ayi bo i kpiɛ aŋgoro n abara aye i tii, i nyunu ti ka wiɛ wɔ, na i jaam ti ka sin taferema.

² I bita kadasi kaan be i saa nu, i ti tekeewa a. Na wɔ fa i jaa fɔmbɔrɔ atien tieku n su, na wɔ fa i jaa bie atien asien n su.

³ Na wɔ tien faŋga su kabo jara ŋuundi ni, na nzue tieɛnwa nso n abɔ i nu.

⁴ Nzue n tieɛnri kpe nso ni, má m ŋa m kere wɔ, na ma ti akonvi be ŋga aŋgoro. I ŋa, “Má a kere jɔjɔwa n bo nzue tieɛnwa nso n ase ni. Má a kan kere be.”

⁵ Na merɛke n bo m ŋuuri i ka i jina tieku n ni asien n su, n aye i saa fɔmbɔrɔ su akere aŋgoro,

⁶ na wɔ tan Nyeme bo i la ŋɔɔ na i wo bere saŋga kere ni, yiri bo i yiiri aŋgoro, ni asien, ni tieku, ni deke kere bo bu wo nu ni, na wɔ se ka, “Nyeme ŋminda má kun.

⁷ Ama, saŋga n bo merɛke nso su n ba sukan i awie n ye Nyeme asiri nu jɔre ni yó yiiwa, kabo i yo seeri i akɔɔm bo bu ti i nɔanie kanfɔm ni.”

⁸ Na akonvi n bo i jɔjɔri m dɔ aŋgoro n nu n ajɔɔ m dɔ bekun, i ŋa, “Kɔ de kadasi kaan n bo wɔ teke na i wo merɛke n bo i jina tieku n ni asien n su n saa nu.”

⁹ Na ma kɔ merɛke n dɔ, na ma se i ka, “Fa kadasi kaan n ma m.” Na wɔ se m ka, “De na a kpeɛ i, i yó u nɔɔ nu mamari ka wie wɔ, ama, i to u kunnu, i yó wiwi wɔ.”

¹⁰ Na ma de kadasi kaan n merɛke n dɔ, na ma kpeɛ i. I ti mamari m nɔɔ nu ka wie wɔ, m miiri na wɔ yo wiwi m kunnu.

¹¹ Na wɔ se m ka, “Kaaki jɔɔ sam bo Nyeme ase ka bu bá tu mine barasu dɔŋgu, ni daanfie barasu dɔŋgu, ni nfemem dɔŋgu.”

11

Daanidifo nnyom jore

¹ Na ba fa deke be bo bu bita sunsun ama m, i ti ka kpama a, na ba se m ka, “Kɔ sunsun Nyeme Sereebiri Awuru n ni Mikun n yoowa yoobiri ni, na a kan minem bo bu wo nu do su Nyeme ni.

² Ama, ma a sunsun awore n bo i bara yeeri Nyeme Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su ma Nyeme ni, na bu nati saaki Nyeme mie casi ni, sara aburana ni nnyo afien.

³ M sunma m daanidifo nnyom ni, na bu fa boto kara ka tani dee su, bo i kere ka bu wo ahoresaaki nu, na bu kan m nɔaniɛ n kere minem, nyini ceɛn akpii kun ni yaa nnyo ni aburasen n nu.”

⁴ Daanidifo nnyom ni, bere la nguimbaa baka nnyom, ni fitana takaabiri nnyom bo bu jina Nyeme bo i dee la asien nyunu ni.

⁵ Sono kere bo i koro ka i yo bu sa be, sin fite bu noo nu ba yara bu kpofom. Nyini ti, nzen be na i yo bu sa be, kabo i ti ye ni ka i wu lee.

⁶ Bu la yiko bo bu koro kanda nzue angoro na ma nzue to, sangha bo bu wo Nyeme nɔaniɛ n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alooba to durunya n nu, sangha kere bo bu koro.

⁷ Nzen bu ba diiri bu daani kaanri Nyeme jore n wieeri, na boro nengendore n bo i fite kunma n bo i ko ngongo na i la ma awieeri ni kun lue ni bere, na i kunma bu, na i kun bu.

⁸ Na bu fuin ká da mié bambaka n atin afien. Nyini mié n nufóm sayoowa ti tie wó, nyini ti ye bu fa bu sunsun Sodomfóm wara Ijipitifóm n a. Nyini mié n nu ye minem kpamaari bu Mibié baka jaanu n su n a.

⁹ Bu fuin ni ká da bere lesan ni wie sin, na minem, ni daanfíem, ni aniem, ni asienm kere bo bu wo durunya n nu, bu nu nbem sín na bu nie bu, na bu dú má su na be se bu.

¹⁰ Bu yiwee n dɛɛ ti, durunya n nufóm síri taari, na bu gó agɔɛ, na bu cé bu bengum aceerim, dama nyini Nyeme noanie kanfo nnyom bo ba wu n akere bu kere wuwuruwa.

¹¹ Lesan ni wie sin n dɛɛ sin, na Nyeme ayi i nuni bo i ma ngɔɔ n agɔ bu nuni, na ba yasu ajina, na sere ati sɔnɔ kere bo bu nuni bu ni.

¹² Na bere Nyeme noanie kanfo nnyom n ati akonvi bambaka be ka i jɔjɔ angoro nu, i na, “Am fun bra angoro fen.” Na ba wura yinyingu n nu ako angoro, bu kpofóm jina sunie bu.

¹³ Jina n nu bere na asien akpisi fanja su, na mié bambaka n kpaaki nu buru buekun afufu, na wó kun mine akpii nso, na sere ati minem bo bu kaari ni, na bu sukansi Nyeme bo i wo angoro ni.

¹⁴ Tó. Na nnyo su dɛɛ ahoresaaki n gusu asin, bo i tó su nsan su ni suba kisa.

Awie nso su n jɔɛ

¹⁵ Na meréke nso su n akan i awie ni, na akonvim atien fanja su angoro n nu, bu na, “Durunya n nu femeya kere fanja ti ya Mícera ni Kristo Tiidefo n dɛɛ wó. I dɛɛ femeya ni wó bere sanja kere a.”

16 Na nkpienkpien aburanyo ni nnam n bo bu tana bu femeya biem su Nyeme nyunu n ada bu nyunu su asiengu na bu subo tuntun Nyeme.

17 Bu na,

“Ya Mi Nyeme Kpiri bo a la má anusu ni,
woro bo a wo bere na a yo woori bere ni,
ya da u asi, dama a de u yiko bambaka n
ye a sunie durunya n kere su a.

18 Durunya n nufom kere afa yaa,
ye sangha aju bo u gusu ahore ayasu,
na a di minem bo ba wu n jore.

Na sangha n akaaki aju bo a to u akoom nkato,
bere bo bu ti Nyeme noanie kanfom ni,
ni u minem kere bo bu su u ni,
nfanfom ni tarakam kere.

Ye sangha n akaaki aju bo a saaki bere n bo bu saaki durunya ni.”

19 Na Nyeme Sereebiri Awuru n bo i wo angoro n ateke, na ma nu Nyeme alaka n bo i kereeri ka wo fa sese su adi i di n ka i wo do, na nzue sukpepe na i sutenantien, na i suyo nanmie, na asien sukpisi, na nzue yabue ngbingbiri sutoto.

12

Bara ni Sitana n dee jore

1 Na alekutura sa be ayo angoro do. Bara be awo do, wo fa wie akara ka tani dee su, na sara gusu awo i jaa bu, asarambaa buru ni nnyo butu i tii ka femeya kere dee su.

2 I bita akunnu, na baawu yaari afa i na i subo awie.

3 Na alekutura sa be gusu ayo angoro do, m nuuri woo tie kokore bambaka be, i tii ti nso wo,

na i la mbie buru, femeya kere nso butu atii nso kun kun n kere su.

⁴ Na wo fa i lo abaandi asarambaam kpaaki nu nsan buekun aji asienngu. Na wo ba ajina bara n nyunu, adena i wuuri baa n na i kaba fa baa n mi.

⁵ Na bara n awu baabieso, bo i ba nie daanfie daanfiem kere su, na i bita bu kekereke kabo nanƙasi fa bulaari koroma tu bo i naanim barasu ni. Na ba fa baa n ako yiri Nyeme ni, i femeya tanaabiri n do.

⁶ Na bara n anmati ako boro kpantain awore be nu, bo Nyeme asese i su ama i na bu sunie i dika haari ko ju ceen akpii kun ni yaa nnyo ni aburasen.

⁷ To, na Nyeme mereke Mikali ni i jamam, ni woo tie ni i dee jamam sukun lue ni bu benngu angoro.

⁸⁻⁹ Ama, na Mikali ni i dee jamam n akunma woo tie n ni i dee jamam ni, na ba fon bu afite angoro, ba nya ma woobiri do kun. Na ba fa woo tie bambaka n ni i dee jamam n kere aji asienngu. Yiri ti dada dee woo tie n a, yiri la Sitana, bu kaaki fere i ka Dadakafu, yiri dadaka durunya n nufom kere n a.

¹⁰ Na ma ti akonvi bambaka be nga ka i sutien fanga su angoro. I na,

“Kisa, ya nu kabo ya Nyeme n la fanga na i de i minem tii ji,

na i di i femeya ni.

Kisa, ye Kristo Tiidefo n akere i yiko a,

dama ba fon ayi Sitana angoro aji durunya n nu fen,

yiri bo i ti saakifo na i jina Nyeme nyunu

na i jaraki ya ninbaam koŋgue ni wiesu ni.

¹¹ Bɔmbaa n dɛɛ mbunja, ni bu daani diiwa
ye bu fa kunmaari i a,

ba soro má bu yiwee,
bu soroori su wɔ, ka bu wu.

¹² Nyini ti, aŋgoro ni ambere kere
bo am wo aŋgoro ni,

am ma am ahore jo,
dama Sitana la má am faŋga kun.

Ama, ahoresaaki bá tɔ asien n ni tieku n su,
dama Sitana ajura am dɔ.

Yaa ti i agaya,
dama i si ka i saŋga sunnu má kun.”

¹³ Saŋga bo woo tie n ŋu ka ba yi i aŋgoro aji
asiengu ni, na wɔ nya ŋmati afɔn bara n bo i
wuuri baabiesɔ n ka i tara i.

¹⁴ Ama, na Nyeme ama bara n kajiri bambaka
lanjpete nnyɔ, adena i tu kɔ boro kpantain n
awɔre n bo wɔ sese su ama i ni, na i nie i dika
afɔ nsan ni kpaaki nu, na má woo tie n tu i.

¹⁵ Na woo tie n apuuti nzue afite i nɔɔ nu ka
wɔmbu nzue dɛɛ su, na má i sɔ bara n kɔ.

¹⁶ Ama, na asien n ade bara n aji, i kpaaki nu
nnyɔ ɔ, na nzue n bo i songi fiteeri woo tie n nɔɔ
nu n awura asien bu, nyini ti, nzue n atu má bara
ni.

¹⁷ Woo tie n atu má bara n dɛɛ ti, na yaa ati
i agaya, na wɔ kaaki ka i kɔ kun lue ni bara n
busu nufɔm, bo ba de Nyeme nɔanie maawam n
na bu di daani ni Yesu labari kpa n ni.

¹⁸ Na woo tie n akɔ ajina tieku n nɔɔ su.

13

Boro nenḡendɔre nnyɔm jɔre

¹ Na ma ḡu boro nenḡendɔre be ka i sufite tieku n nu, i la atii nso wɔ, na i mbiɛ ti buru, mbiɛ n kere butu femɛya kere, ye duma kerɛɛwa be bo i kpiɛ Nyeme nzukɔ n wo atii kun kun n kere su.

² Boro nenḡendɔre n bo m ḡuuri i n ti ka awɔba a, ama, i jaa ti bambaka, na i la fanḡa, na i nɔɔ ti ka jara dɛɛ. Woo tie n afa i dɛɛ yiko, ni i femɛya, ni i fanḡa afa ama i.

³ Na ma ḡu ka ba kpiɛ boro nenḡendɔre n kun tii, i ti ka ba kpiɛ i kom wɔ, ama, kani n awie, na wɔ yo durunya n nufɔm kere alekutura na bu susu i su.

⁴ Na bu kere sukutu na bu su woo tie ni, dama wɔ fa i yiko ama boro nenḡendɔre ni, na bu sukutu na bu su boro nenḡendɔre n gusu, na bu suse ka, “Nma ti ka boro nenḡendɔre n a? Nma ni yiri koro kun lue na i kunma i a?”

⁵ Na ba ma boro nenḡendɔre n atin ka i jɔjɔ kpiri koroya jɔjɔori, na i jɔjɔ wura Nyeme ḡgasi nu, na ba ma i atin ka i la yiko haari sara aburana ni nnyɔ.

⁶ Na i jɔjɔ sukpiɛ Nyeme nzukɔ, na i susaaki i duma ni i dika ni, ni bo bu wo Nyeme dika n nu anḡoro n kere.

⁷ Na wɔ nya yiko ka i kun lue ni Nyeme minem na i kunma bu, na wɔ kaaki anya yiko na i niɛ adamande kere, ni daanfie kere, ni aniem kere, ni asien barasu kere bo bu wo durunya n nu.

⁸ Minem kere bo bu wo durunya n nu ni su i wɔ, má ka minem n bo ba du mɔ akere bu

duma ago ηγγω kadasi n nu, na durunya n boori i bu ni. Kadasi n ti Bombaa n bo ba kpιε i kωm n dεε wω.

⁹ Sωnω kερε bo i koro ka i ti ahin jωρε n bu, i ti ye ni ka i mi so i sui na i ti.

¹⁰ “Sωnω kερε bo Nyεμε ase ka bu wura i dan-saraka,
bu wúra i wω,

na sωnω kερε bo Nyεμε ase ka bu kun i ni takobe,
bu kún i wω.”

Nyini dεε ti, i ti ye ni ka Nyεμε minem fa sawωre ni mindi ni yarada na bu fa su Nyεμε.

¹¹ Na ma ηu boro nenɣendōre n be bekun ka i fite asien n nu, i la mbiem nnyω, bu ti kabo Bombaa dεε ti n wω, ama, i jωjω kabo woo tie n jωjω n wω.

¹² I jina bumboori dεε boro nenɣendōre n jinaabiri wω, na i la i yiko n kερε, na i sumie durunya n nufωm kερε ka bu su bumboori dεε boro nenɣendōre bo ba kpιε i tii ni, i ti ka ba kpιε i kωm wω, ama, kani n awie.

¹³ Na boro nenɣendōre nnyω su n ayo alekutura sam beberebe, na i ma sin fiteeri angoro ba tōori asienɣu wω, na minem aηu i.

¹⁴ Alekutura sam n bo i nya yiko yoori bu bumboori dεε boro nenɣendōre n nyunu n dεε ti, na wω dadaka durunya n nufωm. Na wω se bu ka bu ta amōe na i ferema ni boro nenɣendōre n bo bu faari takobe fōndōori i ni, ama, i toko la ηγγω.

¹⁵ Na boro nenɣendōre nnyω su n anya atin, na wω ma amōe ηumi, na wω nya ηγγω na i koro

jɔɔ na i koro kun minem kere bo ba kete ka bu su má i ni.

¹⁶ Na i sumie mine barasu kere, nfangafom ni tarakam, nengefom ni jaarifom, minem bo ba de bu tii, ni akoom, na wo ma ba se bu nyaari bu saa fomboro wara bu numa su.

¹⁷ Sono kere bo i la má nyini nyaari seewa n be, koro to má deke be na i kaaki koro to má deke be gusu, dama nyini nyaari seewa n ti boro nengendore n дума, wara i дума lamba.

¹⁸ Sono koro si má boro nengendore lamba n bu, má ka i mi la Alecira, i ti adamande дума a. I lamba n ti yaa nsen ni aburasen ni nsen wo.

14

Bombaa n ni minem bo wo de bu tii aji n jore

¹ Na ma nie anu Bombaa n ka i jina Siyon Buka n su. Mine akpii yaa ni akpii aburana ni nnam wo i do. Bere ye ba kere Bombaa n ni i Si Nyeme дума aɔ bu numa su n a.

² Na ma ti ka mine nbem sudi jue angoro, i yo nanmie kabo nzue songi na i yo nanmie n wo, na i yo kabo nzue tientien na i yo nanmie ni, na i sun kabo bu bo bieku na i sun barasu ni.

³ Na mine akpii yaa ni akpii aburana ni nnam n jina femeya bie n nyunu, ni nenge ngoofo nnam ni, ni nkpienkpienm n nyunu, na bu sudi jue fofore. Be wo má bere bo i koro sonsen i, má ka bere ngumi bo Nyeme ade bu afite durunya n nufom n nu ni.

⁴ Bere la minem n bo bu ni bara be ada má, na bu ti casi ni. Bere la bo deke kere bo Bombaa n ko na bu su i su ni. Bere ye Nyeme ade bu tii

aji afite durunya n nufom nu n a, na ba yo i ni Bombaa n dɛɛ ciciri su minem.

⁵ Kɔrɛ be mmɔɔ wo má bu nɔɔ nu. Na bu kaaki la má ngasi be.

Mereke nsanm jɔrɛ

⁶ Na ma ɲu mereke be bekun ka i wo tu su angoro, na i sukan labari kpa n bo i la má awieeri n jɔrɛ kere adamandɛ kɛrɛ, ni daanfɛ kɛrɛ, ni aniem kɛrɛ, ni asien barasu kɛrɛ bo bu wo durunya n nu ni.

⁷ Na mereke n ayɛ i konvi su atien fanga su agaya ase ka, “Am soro Nyemɛ na am wura i kpiri, dama sanɔa n aju bo i dí minem jɔrɛ. Am su Nyemɛ bo i yiiri angoro ni asien, ni tieku ni nzue ni.”

⁸ Na mereke nnyɔ su n afite asu ciciri dɛɛ n su, na i suse ka, “Wɔ kpaasi, Babilɔn miɛ kpiri n akpaasi, yiri bo i maari durunya n nufom kɛrɛ nuuri i nzan n na bu yoori sa ngbɛɛnngbɛɛn ni.”

⁹ Na mereke nsan su n afite agɔ ciciri dɛɛm su. Na i sujɔɔ fanga su suse ka, “Sɔnɔ kɛrɛ bo i suuri boro nɛngɛndɔrɛ n ni i amɔɛ ni, na wɔ se bu ɲuma su wara bu saa fombɔrɔ su n nyaari,

¹⁰ Nyemɛ fá yaa bu ɲu, na i cín bu sui agaya, na i má sin ni ferewita tɔ bu ɲu na bu dí wahara agaya, i mereke casim n ni Bombaa n nyunu.

¹¹ Na ɲmisini sufite nyini sin n bo i kere bu wahara n nu kɔ angoro sanɔa kɛrɛ, i la má awieeri. Minem kɛrɛ bo bu suuri boro nɛngɛndɔrɛ n ni i amɔɛ n na wɔ se bu nyaari ni, bu nya má ɲumiyi, kɔngue ni wiesu kɛrɛ.”

¹² Nyini ti, i ti ye ni ka Nyeme minem la mindi, bere bo bu de i nɔaniɛ maawam ni, na bu bita bu yarada n kenken fa ko Yesu do ni.

¹³ Na ma ti ka akonvi be sujojo angoro suse m ka m kere ka, "Terefie wo minem n bo bu suuri Mibie n na bu wuuri n do fite kisa fa ko."

Na Nyeme Awiewie Casi n asoro su ka, "I ti nahore wo, bo ba wu ni, bu yi bu nɔmi, bu nkato ye bu sudi i n a, dama bu sakpayo su bu su a."

Kabo Nyeme di durunya n nufom kere jore ni

¹⁴ Na ma nie anu yinyingu fofoe be angoro n su, be tana su, i ferema ni adamande wo, i butu sika femeya kere, i bita goroku nana i saa nu.

¹⁵ Na Nyeme merere n be bekun afite Nyeme Sereebiri Awuru bo i wo angoro n nu, na i sutien fanga su suse yiri n bo i tana yinyingu n su ka, "Durunya n nu alembaa n abi, fa u goroku n fa wura nu na a kpie i, dama sanga n a ju."

¹⁶ Na yiri n bo i tana yinyingu n su n afa i goroku n ada awura durunya n nu na wo kpie alembaa ni.

¹⁷ Na merere n be bekun afite Nyeme Sereebiri Awuru bo i wo angoro n nu, i gusu bita goroku nana be.

¹⁸ Na merere n be bekun bo i nie sin su afite Mikun yoowa yoobiri n dika, na wo tien fanga su ase nyini merere n bo i bita goroku n ka, "Fa u goroku n fa kpie durunya n nu baka suuwam go, dama baka suuwa n aboro."

¹⁹ Na merere n afa i goroku n ada awura durunya n nu akpie baka suuwam n kere atien bu noo ago kunma bambaka n bo bu miemie

yiiri baka suuwa nzue n nu ni. Nyini kere kabo Nyeme ahorembaa ayasu na i cin minem sui.

²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asongji afite kunma n nu. Nzen kpoggo wura nu, na i ko se ka wo dodo ngonggo dika, i tii nyaari ngumi ko ka. I tintiin gusu waari agaya.

15

Merekem bo bu bita awieeri su kekereke ayaba nsom jore

¹ Na ma nu alekutura sa bambaka be angoro, ka Nyeme merere nso nbem bita kekereke barasu nso n bo bu ti awieeri su dee ni. Nyini kekereke n dee sin, Nyeme fa ma yaa kun.

² Na ma nu deke be, i ti ka nzue bambaka a, i je ka nienu wo, wo sangi ni sin. Na ma nu minem bo ba kunma boro nengendore n ni, ba ko ayaki i ni i amoe n ni i duma lamba. Bu jina tieku n bo i je ka nienu n su, bu bita biikum n bo Nyeme afa ama bu ni.

³ Na ba di Nyeme akoo Moyisi ni Bombaa n dee jue, ka,

“Ya Mi Nyeme Feme Kpiri,

woro ti adamande kere feme durunya n nu a.

U sayoowa ti bambaka na i ti alekutura.

U sayoowa kere ko atin su wo, na i ti nahore.

⁴ Micera, nma wo bere bo i soro ma u a,
na i wura ma u kpiri a?

Dama woro ngumi ti casi a.

Adamande kere bo bu wo durunya n nu,
bu ba kutu u na bu kansu u,

dama u nahore sam n afite fofoe nu.”

⁵ Nyini sin, na ma ηu Casi Kere Casi Soo n bo i wo Nyeme Sereebiri Nambue n nu, na i wo angoro n ka bu suteke i.

⁶ Na mereke nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su.

⁷ Na deke ηgɔɔfɔ nnam nu kun, afa sika ayabam n nso afa ama Nyeme mereke nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ηgɔɔ na i la má awieeri n afa yaa agaya.

⁸ Na Nyeme yiko ni i jirima woowa n ama Nyeme Sereebiri Awuru n ayi ni ηmisini, bo be akoro awura má awuru n nu, fa kɔ ju sanɔa bo mereke nsom fa kekereke nsom n fa jiiri durunya n nu n kɔ wieeri.

16

Ayabam bo bu kere ka Nyeme afa yaa n jɔre

¹ Na ma ti akonvi bambaka be ηga Nyeme Sereebiri Awuru n nu, i sujɔjɔ mereke nsom dɔ, i ηa, “Am kɔ na am kɔ kaaki Nyeme ahore yasu ayaba nsom n gɔ durunya n nu.”

² Na mereke ciciri su n ako akaaki i ayaba n ago durunya n nu, na kani tiem, bo bu yo ya agaya, akpɛ minem bo bu la boro nengendɔre n nyaari seewa n na bu su i amɔe n ni.

³ Na mereke nnyɔ su n akaaki i ayaba n ago tieku nzue n nu, na tieku nzue n akaaki ka sɔnɔ bo wɔ wu mbunja. Na deke ηgɔɔfɔ kere bo bu wo tieku n nu awu.

4 Na mereke nsan su n akaaki i ayaba n ago kunmam nzue ni buram nzue nu, na i kere akaaki mbunja.

5 Na ma ti ka mereke n bo i nie nzue n su n ase ka,

“Nyeme, woro ti casi a,
woro bo a wo bere na a yo woori bere ni,
kabo a cin minem sui so ni,
u sayoowa ako atin su.

6 Dama ba kun u dee minem, ni u noanie kanfom na bu mbunja afite,
ye u gusu ama bu nzuem n akaaki mbunja na bu nu.

I ti ye ni ka a yo bu so o.”

7 Na ma ti akonvi be nga ka i fite Mikun yoowa yoobiri n bi, i na,

“Ya Mi Nyeme Feme Kpiri,
kabo a di bu jore ni, i ti nahore wo, na i ko atin su.”

8 Na mereke nna su n akaaki i ayaba, n ago wie n nu, na Nyeme ama i kekere agaya suyara minem ka sin dee su.

9 Na sin n kekere ayara minem, na ba kpie Nyeme nzuko, yiri bo i la yiko na i ma bu di nyini wahara ni, na ba kete ka bu kaaki ma bu wo na bu ma i jirima.

10 Na mereke nnu su n akaaki i ayaba n ago boro nengendore n femeya bie n su, na i femeya asien n kere asi biri didiki. Na minem sukan bu saa, yaari n ti.

11 Kambue n ni yaari n bo i wo bu nu n dee ti, ye bu sukpie Nyeme bo i wo angoro ni nzuko a, haari ni nyini mmoo, ba kaaki ma bu wo na bu yaki bu satie ni.

¹² Na merēke nsen su n akaaki i ayaba n ago kunma kpiri n bo bu fere i ka Yufarati n su, na nzue n kerē anu, na wō kpiē atin ama nfemem bo bu fite wie afiri ni.

¹³ Na ma ŋu awiewiē tiē nsan nbem, bu ti ka pōntirim wō, kun sufite woo tiē n nōō nu, kun sufite boro nengendōrē n nōō nu, na kun gusu sufite sōnō bo wō yi i ŋu ka i ti Nyemē nōanie kanfō n nōō nu.

¹⁴ Bu ti Sitana dēē awiewiē barasu nbem wō, na bu suyo alekutura sam, na bu kō durunya n nu nfemem kerē dō kō tien bu nōō, na bu cici lue ŋminda ya Mi Nyemē Feme Kpiri n jina cēen.

¹⁵ Ya Mi Nyemē ŋa o, “Am ti fen, m ba ni yó am fura nu ka awiefō dēē su wō, terefie wo sōnō kerē bo i ŋminda fa kō m ba n dēē su, i fa má i ŋu ti má, na i wura i sutura, adena má i nati i bu ŋbēen, na má mine ŋu i, na nyinse ti i.”

¹⁶ Na Sitana awiewiem n atien nfemem nōō dika n bo bu fere i Hiburu anie nu ka, *Amagedon* n ni.

¹⁷ Na merēke nso su n akaaki i ayaba n ago aŋuma n nu. Na akonvi bambaka be ajojo afite femeya biē n nu, Nyemē Sereebiri Awuru n nu, i ŋa, “Wō yo awie.”

¹⁸ Na nzue sukpekpepe, na i sutenantien, na i suyo nanmie, na asien sukpisi fanja su. Kabo Nyemē yiiri adamande ni, be nya ŋu má nyini asien kpisiwa n ŋusu sō.

¹⁹ Na miē kpiri n ati nu nsan, na miem kerē bo bu wo durunya n nu n atoto, dama Nyemē atenge Babilon miē kpiri n jōrē su, nyini ti ye wō fa yaa i ŋu, sucin i sui n a.

²⁰ Na lui bambakam kere bo bu da nzue afien, ni bukam kere amini.

²¹ Na nzue yabuem sutoto minem nu, i kun kun nononori la nma. Na minem sukpie Nyeme nzuko, dama nzue yabue n bo i toto ni sukere bu wahara agaya.

17

Bara sakara n jore

¹ Na Nyeme merere nsom n nu kun, bo i bita ayaba nsom n nu kun, aba m do, aba ase m ka, "Bra fen, na m kere u kabo Nyeme cin bara sakara tie n sui ni, yiri bo i tana kunma nzue beberebem n su ni.

² Yiri ye durunya n nu nfemem akpini i afa ayo bu soma, na wo fa i sakaraya asa durunya n nufom kere, na bu gusu akpini i afa ayo bu soma."

³ Na Awiewie Casi n dee yiko nu, na merere n afa m ako boro kpantain nu. Na ma nu bara be ka i tana boro nengendore kokore be su, dama kerewa nbem bo bu kpie Nyeme nzuko n wo boro nengendore n nunie kere su. I la atii nso, na i mbie ti buru.

⁴ Bara n adi sunguruya anyonyondi i nu, i wura sutura kokore nyunyumi, na wo wura i kom, ni i saam, ni i suim jorokom, ni lalankundim, ni afere nyunyumim, ni sikam, ni afere fofiem bo bu la go agaya. I bita sika kopyu i saa nu, wo yi ni dangba ni i sayoowa ngbeenngbeen n wo.

⁵ Ba kere i asiri nu дума i numa su, nyini дума n bu la ka, Babilon mie kpiri, bo i ti sakaram kere

ni, na i kaaki ti saa ngbɛɛnngbɛɛn yofɔm kɛrɛ bo bu wo durunya n nu n ni.

⁶ Na ma ŋu ka bara n anu Nyɛmɛ minɛm mbunja abo, ni minɛm bo bu di Yesu daani n dɛɛ ti na ba kun bu ni gusu mbunja abo.

M ŋuuri i sɔ ni, na wɔ yo m alekutura.

⁷ Na mɛrɛkɛ n abisa m ka, “Nzu ti ye a ma wɔ yo u alekutura? M kɛrɛ u asiri nu jɔrɛ bo i wo bɛrɛ fa kɔ bara n ni boro nɛngɛndɔrɛ n bo bara n tana su, na i la atii nso ni mbiɛm buru ni.

⁸ Boro nɛngɛndɔrɛ n bo a ŋuuri i ni, ti deke bo i yo woori bɛrɛ wɔ, ama, kisa i wo má bɛrɛ kun. Wɔ ka kaan na i fite kunma ngongɔ n bo i la má awieeri n nu, na i kó di wahara na i ká ngbɛɛn. Na durunya n nufɔm bo bu duma wo má ngɔɔ kadasi n nu, fite sanɔa bo Nyɛmɛ nya yi má durunya ni, bu ba ŋuuri i, i yó bu alekutura, dama i yo woori bɛrɛ, ye kisa, i wo má bɛrɛ kun, na i bá kaaki ba cɛɛn be.

⁹ Nyini dɛɛ ti, sɔnɔ kɛrɛ fa i alecira ni sunsunni na i ti ahin jɔrɛ n bu. Boro nɛngɛndɔrɛ n tii nso n ti buka nso bo bara n afun atana su wɔ. Bu gusu kaaki ti nfɛmɛm nso wɔ.

¹⁰ Bu nu nnu akpaasi, nsen su n toko wo bɛrɛ, nso su n nya ba má, ama, i ba baari, i cɛ má, i fɛmɛya ni kpási wɔ.

¹¹ Boro nɛngɛndɔrɛ n bo i yo woori bɛrɛ, ama, kisa i wo má bɛrɛ kun ni, yiri ti fɛmɛ n bo i buka su mɔcɛɛ su n a, ama, i ti nfɛmɛ nsom nu kun wɔ, na i kó di wahara na i ká ngbɛɛn.

¹² Mbiɛ burum bo a ŋuuri bu n ti nfɛmɛ burum bo bu nya di má fɛmɛya, ama, bu nyá yiko na bu

dí fεmε buka boro nenɣendɔre n su saɗga kaan so.

¹³ Nyini nfεmε burum n yó bu nɔɔkun, na bu fá bu faɗga ni bu yiko kere na bu fá ma boro nenɣendɔre ni.

¹⁴ Bu kún lue ni Nyεmε Bɔmbaa ni, ama, i ni i minem ni kúnma bu, dama yiri ti mibiεm kere Mibiε, na i ti nfεmεm kere Fεmε. I minem bo bu wo i dɔ n la bo wɔ fere bu ni, ni bo wɔ yi bu na bu jina i sin nahɔre su ni.”

¹⁵ Na merεke n ase m ka, “Kunmam nzue n bo a ɗuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni daanfie kere wɔ lee.

¹⁶ Mbiε burum bo a ɗuuri bu ni, ni boro nenɣendɔre ni, bu bá kpɔ bara sakara ni, bu dé i nenɣe kere na i ká i bu ɗgbεen, na bu dí i ɗuniεmbaa kere, na bu yára bo wɔ ka n sin.

¹⁷ Dama Nyεmε maari bu yoori kabo i koro a. I maari bu yoori bu nɔɔkun na bu fa bu fεmεya n kere buka boro nenɣendɔre, na i dí fεmεya n kɔ ju saɗga bo Nyεmε nɔaniε ni bá yo yiiwa ni.

¹⁸ Bara n bo a ɗuuri i n la miε kpiri n bo i ti durunya n nu nfεmεm kere tii n a.”

18

Kabo Babilɔn miε kpiri n kpaasi barasu ni

¹ Nyini sin, na ma kaaki aɗu merεke be ka i fite aɗgoro sujura, i la yiko agaya, na i woowa n ata wein abara aye durunya n kere.

² Na wɔ ye i konvi su atien faɗga su ka, “Wɔ kpaasi. Babilɔn miε kpiri n akpaasi.

Wɔ kaaki awiεwiε tiem, ni ajinim,

ni deke ηgbεεηηgbεεnm,
ni anuma tiem woobiri wɔ.

³ Dama durunya n nufɔm kεε nuuri i nzan
ye bu kɔɔri somaya yiri dɔ a.

Na durunya n nu nfemem kεε kɔ kpiniiri
yiri yoori bu soma.

Na kabo i la ajεε na i koro tara mǎ i ηu ni,
durunya n nu watafɔm gusu nya bu ajεε
fite i dɔ ɔ.”

⁴ Na ma kaaki ati akonvi be ηga bekun, ka i
sujɔɔ angoro n nu, i ηa,

“M minem, am fite miε n nu,

na mǎ am yo bu satie yoowa n be,

na mǎ wahara n bo i suba bu dɔ n tu am.

⁵ Dama miε n nufɔm satie yoowa n aju Nyεmε dɔ
angoro,

na i wara koro fi mǎ bu satie yoowa n sa.

⁶ Sam bo bara n yoori bu ni, yo i gusu sɔ,

tɔ i kaari i ηusu nnyɔ.

Ma i ηu kekereke tara kabo i yo ma minem
ηuuri kekereke ni.

⁷ Kabo i yo wuraari i ηu kpiri na i diiri i tii barasu
ni,

kere i kekereke na i ahore gusu saaki sɔ.

Dama i ηa, ‘Ma di femε, m ti mǎ kunafɔ,

m ahore sǎaki mǎ cεεn be.’

⁸ Nyini dεε ti, lekun ye kekereke bǎ tɔ i ηu a.

Yiri la tukpaki, ni ahoresaaki, ni ahɔε.

Na sin yǎra i,

dama Micεra Nyεmε n bo i cin i sui n la yiko
agaya.”

⁹ Na durunya n nu nfemem bo bu kɔ kpiniiri
i na bu ni yiri diiri bu tii ni, bu ηu kabo sin je i,

na bu ɲu kabo ɲmisini yasu kɔ aɲgoro barasu,
na bu sún, na bu bó awié.

¹⁰ Kekereke n bo wɔ tu i n dɛɛ ti, i ma bu
sɛɛ wɔ, na bu jina dede, na bu nya suse ka,
“Keto, keto, am niɛ ahin miɛ bambaka ni.

Babilɔn bo i ti miɛ kpiri n lɛɛ

ye ba kaba acin i sui, ye i kɛɛ aka ɲgbɛɛn,
anyumbaa kata ni i teke n nu bɛɛ n a.”

¹¹ Na watafɔm bo bu wo durunya n nu ni
susun, na bu sukoko miɛ ni, dama be to má bu
gɔɔri n kun.

¹² Be to má bu sika, ni jɛɛ, ni afere barasu
nbem bo bu yo nyumi na bu la gɔ ni. Be to má
bu suturam barasu barasu bo bu yo nyumi na
bu la gɔ ni. Be to má bu bakam bo bu fa yo biɛ
kpakpam ni, ni bu ayaba barasu kɛɛ bo bu fa
sui jee yo bu ni, ni deke kɛɛ bo bu fa baka fa
sense bu, ni deke kɛɛ bo bu fa jawii bulaari, ni
yabuɛ fa yo bu na bu la gɔ agaya.

¹³ Be kaaki to má bu toro nɛɲge barasum bo
bu la nvanvani, ni ayiri kunkuunwa nvanvani,
ni baka nyunvuin nvanvanifo, ni nzan, ni ɲguin,
ni kpɔɔ samɛɛ, ni diire, ni naanim, ni nbɔɛm,
ni kpɔɔgɔm, ni kpɔɔgɔ torokum, ni akɔɔm, ni
domuɛm.

¹⁴ Na watafɔm n ase i ka,
“Dekem bo a yo koro bu agaya n kɛɛ

aɲmati ayaki u,
u aɲkɛm, ni u nɛɲge kpakpam kɛɛ bo a la bu
akɔ ayaki u,
a nyá má i be kun.”

¹⁵ Watafɔm bo bu yoori nɛɲgefɔm nyini miɛ n
dɛɛ ti ni, bu kó jina dede wɔ, dama sɛɛ ti bu fa

kɔ kekereke n bo wɔ tɔ miɛ n nu ni, na bu ahore saaki agaya na bu sun.

¹⁶ Na bu se ka,
 “Keto, keto, am niɛ ahin miɛ bambaka ni.
 I yo kara sutura barasu barasu nyunyumi,
 na i la sika jɔrɔkɔm,
 ni aferem barasu barasu
 bo bu yo nyumi na bu la gɔ agaya ni.

¹⁷ Nyini nenɛge n kere akaba aka nɔgbɛɛn,
 anyumbaa kata ni i teke n nu bɛrɛ n a.”
 Na lee bambaka kanfɔm, ni leefɔm, ni lee wurafɔm, ni bo bu juma nati tieku nzue n su n kere akɔ ajina dede.

¹⁸ Na bu jina niɛ kabo miɛ ni suje sin barasu na n̄misini yasu kɔ angoro ni, na bu bo awie se ka, “Miɛ bɔnɔ wo bɛrɛ bo i ju ahin miɛ bambaka n a?”

¹⁹ Na bu susasa tuturi gɔ bu tii su na bu kere ka bu ahore asaaki agaya, na bu susun, na bu suse ka,
 “Keto, keto, am niɛ ahin miɛ bambaka n ni.
 Dama minɛm kere bo bu la lee bambakam na bu juma nati tieku nzue n su n
 nya bu nenɛgem fite nyini miɛ n dɛɛ ajɛke n nu wɔ.

Ye wɔ kaba aka nɔgbɛɛn,
 anyumbaa kata ni i teke n nu bɛrɛ n a.

²⁰ Ambere bo am wo angoro nu,
 ni Nyɛmɛ minɛm, ni Yesu jaramasam, ni Nyɛmɛ nɔaniɛ kanfɔm,
 am ma am ahore jɔ
 fa kɔ kabo miɛ kpiri n aka nɔgbɛɛn barasu bɛrɛ ni,
 dama Nyɛmɛ subisa i nɔɔ nu ma am a.”

21 Na Nyeme mereke fangafɔ be n afa yabue bambaka, na wɔ fa atu aji tieku nzue n nu, na wɔ se ka,

“So ye Nyeme fá Babilɔn miɛ kpiri n
fa ji wuum a,
na i busu be bá ŋu má.

22 Be ti má deke be ŋga miɛ n nu kun,
i bieku kanfɔ o, i jue difɔ o, i tere kanfɔ o, ni
awie kanfɔm.
Na jumayofɔ barasu be mmɔɔ gusu wo má
miɛ n nu kun,
be ti má ŋgani san yabue be ŋga miɛ n nu
kun.

23 Na fitana haari kun n kpein
je má miɛ n nu cɛɛn be na be ŋu i.
Be ti má konya ni konyafan kuyigindi ŋga miɛ n
nu kun,
dama watafɔm bo bu yo wo nyini miɛ n nu
yo ti nfangafɔm wɔ durunya n kere nu,
na miɛ nufɔm yo boboyaya sam dadaka durunya
n nufɔm kere.

24 Nyeme acin miɛ n nufɔm sui a,
dama bere yo kuunri Nyeme minem, ni i
noaniɛ kanfɔm n a,
ni minem kere bo ba kun bu durunya n nu
ni, bere yiiri bu mbunja.”

19

1 Nyini sin, na ma ti akonvi be ŋga angoro, ka
jama beberebe akonvi, bu ŋa,
“Haleluya, ya kansi Nyeme,
ya Mi Nyeme n ama ya nya tiide a,
yiri ti kpiri ni yikofɔ a.

2 I di jɔre ni i atin su, ni nahɔre wɔ.

Wɔ di bara sakara n jɔrɛ,
 yiri bo i maari durunya n nufɔm kɛrɛ kpini
 nbaram
 na bu kɔ somaya
 na bu yo sa ŋgbɛɛnŋgbɛɛnm kɛrɛ,
 na wɔ cin i sui, dama yiri yo kuunri Nyɛmɛ
 akɔɔm n a.”

³ Na jama n bo bu wo aŋgoro n akaaki ayɛ bu
 konvi su atien ase ka,
 “*Haleluya.*”

Sin n bo i sudi miɛ ni ŋmisini n suyasu suko
 aŋgoro
 haari ni saŋga bo i la má awieeri.”

⁴ Na nkpiɛnkpiɛn aburanyɔ ni nnam, ni deke
 ŋɔɔfɔ nnam sukutu sukansi Nyɛmɛ bo i tana
 femɛya biɛ n su ni, na bu se ka,
 “*Ami. Haleluya.*”

Nyɛmɛ Bɔmbaa n konyaya jɔrɛ ni

⁵ Na akonvi be afite femɛya biɛ n nu, i ŋa,
 “Amberɛ Nyɛmɛ akɔɔm kɛrɛ,
 tarakam ni nfaŋgafɔm,
 bo am soro Nyɛmɛ ni,
 am kɛrɛ kansi i duma.”

⁶ Na ma ti akonvi be naŋmiɛ ŋga, i ti ka jama
 beberebe suyo naŋmiɛ wɔ, na i yo naŋmiɛ, kabo
 nzue soŋgi na i yo naŋmiɛ ni, na i kaaki ti kabo
 nzue tientien na i yo naŋmiɛ ni, i ŋa,
 “*Haleluya,*

Ya Mi Nyɛmɛ Fɛmɛ Kpiri n
 adi i femɛya n kisa.

⁷ Am ma ya ahore jɔ na ya yo ya kunnu koroowa,
 na ya wura i kpiri,
 dama saŋga n aju bo Bɔmbaa ni já i konya ni,

konya n gusu asese i ɲu su aɲminda i.

⁸ Nyeme ama i sutura casi fofoe papasi ka i fa kara.”

Sutura fofoe papasi n la Nyeme minem sakpa yoowam ni.

⁹ Na mereke n ase m ka m kere ka, “Terefie wo minem bo Bombaa n abaandi bu ka bu ba di konyaya diire n be i do.”

Na wo kaaki ase ka, “Ahin noanie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka ma m yo so, ama, m kansi Nyeme ngumi. Na wo kaaki ase m ka, “M ti u benngu akoo, ni u ninbaam bo bu di Yesu daani kere mine n be wo.” Jore n kere bo Nyeme noanie kanfom kaanri i ni, bu diiri ahin Yesu n daani wo.

Sono n bo i fun kpongɔ fofoe n jore

¹¹ Na ma ɲu ka angoro ateke, kpenga na ma ɲu kpongɔ fofoe be, bu fere bo i tana su n duma ka, Bo i la Dabunu ni Nahorefɔ, i di minem jore kabo i ti ye ni ka i di bu nahore su wo, na i kun i lue ni nahore su.

¹² I nyumbaa kere je ka sin fofoe, na i butu femeya kere beberebe i tii su. Duma kerewa be mata i, be si ma nyini duma ni, ma ka yiri ngumi si a.

¹³ I wura sutura yorom barasu be bo ba fa i awura mbunja nu, na bu fere sono n duma ka Nyeme Noanie.

¹⁴ Na Nyeme sojam bo bu wo angoro n fun kpongɔ fofoe su i su, bu wura sutura casi fofoe papasi.

15 Takobe nana bo i fá kunma durunya n nufóm wo i nɔɔ nu, na i bíta bu kekereke kabo nanƙasi fa bulaari kɔrɔma tu bo i naanim barasu ni, na i tíntien bu su kabo bu fa baka suuwa gɔ kunma nu na bu miemie yi i nzue ni, dama Micera Nyeme Kpiri n afa yaa agaya.

16 Ba kere i duma i sutura n su, ni i jaa sɔɔwa su ka, “Nfemem kere Feme ni mibiem kere Mibie.”

17 Na ma ɲu mereke be ka i jina wie n su, na wo ye i konvi su atien fanga su ase anumam kere bo bu tu aɲgoro na bu di nie n ka, “Am bra na am ba tien am nɔɔ na am di ahin diire beberebe n bo Nyeme sufa ma am ni,

18 am ba di nfemem ɲuniembaa, ni sojam nkpienm ɲuniembaa, ni nfangafóm ɲuniembaa, ni kɔɲgɔ nie, ni minem bo bu fun kɔɲgóm n ɲuniembaa, ni adamande barasu kere ɲuniembaa, bo bu ti akɔm ni bo ba de bu tii, ni bo bu ti mine ɲgbingbirim, ni bo bu ti mine kan kanm ni.”

19 Na ma ɲu boro nenɲendɔre n ni durunya n nu nfemem, ni bu sojam, ka, ba tien bu nɔɔ acici na bu kun lue ni yiri n bo i tana kɔɲgɔ fofoe n su ni, ni i jama nbaam.

20 Na ba tara boro nenɲendɔre n ni kɔrefɔ n bo i yo i ɲu ka i kan Nyeme nɔanie ni. Yiri yo yoori alekutura sam boro nenɲendɔre n nyunu, na wo dadaka minem bo bu deeri boro nenɲendɔre n anyaari seewa na ba su i amɔe ni. Na ba fa boro nenɲendɔre n ni kɔrefɔ n ni bu ɲgɔɔ aji sin n nu, bo i je ka ferewita na i da ka tieku ni.

21 Minem bo bu kaari ni, na yiri n bo i tana kɔɲgɔ n su n afa takobe n bo i wo i nɔɔ nu n

akun bu kere. Na anumam kere adi nie na bu kunnu ayi.

20

Kabo bu nyi Sitana afo akpii kun n jore

¹ Na ma nu mereke be ka i fite angoro suba, i bita deke nbem i saa nu, kun la kadombaa bo i tu kunma ngongo bo i la ma awieeri ni, na kun gusu la joroko bambaka fangafobe.

²⁻³ Na wo tara woo tie ni, dada dee woo tie n bo i ti Sitana ni, na bu kaaki fere i ka Dadakafobe ni, na wo fa joroko n acici i, na wo fa i atu kunma ngongo n bo i la ma awieeri n nu, ka i wo do haari afo akpii, na wo tu kunma n ano ni, na wo ta akata su, na ma i koro fite na i dadaka durunya n nufom bekun, ama, i wo do haari afo akpii n ba ju. Nyini sin, na bu nyangi i ji kaan.

⁴ Na ma nu femeya biem, Nyeme ama bo bu tana sum n atin ka bu di minem jore. Na ma kaaki anu bere bo bu yo wuuri Yesu ti ni. Mine yo kpieri bu tii a, dama bu yo kaanri Nyeme jore na ba di Yesu daani n dee ti. Bere keteeri ka bu su ma boro nengendore n ni i amoe n a, bere la bo bu kaaki keteeri ka bu de ma i nyaari seewa bu numa wara bu saa su n a, ye ba tenge bu yiwee n nu anya ngoo, na bu ni Kristo Tiidefo n sangadi femeya afo akpii.

⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge ma haari ko ju afo akpii n awieeri.

⁶ Bere n bo bu du mo tengeeri bu yiwee nu ni, na bu ti mine casim n ni, terefie wo bu do, bere nu ma yiwee nnyo su n kun, bere yo Nyeme ni

Kristo Tiidefo sayoowa donɗuyofom a. Na bu ni yiri saŋga di femeya n afo akpii.

Kabo Nyeme kunmaari Sitana ni

⁷ Afo akpii n nyaari ko juuri, na Nyeme ma bu yi Sitana n dansaraka soo n nu ji.

⁸ Na i ko dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere noo na bu ko kun lue. Bu sunnu beberebe ka kunma hmiε wo.

⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i minem wo ni, ama, na sin afite angoro aba ayara bu.

¹⁰ Na ba fa Sitana n bo i dadaka bu n aji cema sin n nu, bo i je ka ferewita na i da ka tieku ni, deke bo bu faari boro nengendore n ni korefo n bo i yo i hu ka i kan Nyeme noanie n jiiri nu ni. Do na bu di wahara, kongue ni wiesu sanja kere.

Kabo Nyeme di minem jore awieeri su ni

¹¹ Na ma hu femeya bie bambaka fofoe be, ni bo i tana su ni. Na angoro ni asienɗu kere amini i nyunu, bu wo ma bere kun.

¹² Na ma hu minem bo ba wu ni, nfangafom ni tarakam kere, ka bu jina femeya bie n nyunu. Na ma kaaki anu ka be suteke kadasim, na be gusu suteke kadasim bo i ti ngoo deε ni. Nyini kadasim ye bu fa diiri minem bo bu wuuri n jore a, bu sayoowa kere bo bu yo yoori wo nyini kadasim n nu.

¹³ Na tieku n aworo minem bo ba wu n ama, na Yiwee, ni Yiweefom Woobiri n aworo minem

bo ba wu n ama, na Nyeme afa bu sayoowa bo bu yo yoori adi bu jore.

¹⁴ Na wo fa Yiwee, ni Yiweefom Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyo su n a.

¹⁵ Na ba fa sono kere bo i duma awo ma ngoo kadasi n nu aji sin ni.

21

Angoro ni asien fofore n jore

¹ Na ma nu angoro fofore ni asien fofore, dama angoro dawa n ni asien dawa n kere wo ma bere kun, na ma nu ka tieku nzue n gusu wo ma bere kun.

² Na ma nu mie casi ni, Yerusalem fofore n ka i fite Nyeme do angoro sujura ba asienngu, wo sese i nu su ka konya bo i sukoo ajaa.

³ Na ma ti akonvi bambaka be nga femeya bie n nu, i na,

“Am nie fen, Nyeme woobiri wo adamantem do, na i wo bu do.

Na i fa bu yo i minem.

Yiri ni i tii wo bu do na i yo bu Nyeme a.

⁴ Yiri nunuka bu nyunvuin kere bu nyumbaa nu a,

yiwee wo ma bere kun, ahoresaaki wo ma bere kun,

minem sun ma kun, na minem di ma yaari kun, dama deke dawam kere asin.”

⁵ Na bo i tana femeya bie n su n ase ka, “Nie fen, m suyo deke kere fofore.” Na wo kaaki ase m ka, “Kere ahin noanie ni, dama i ti nahore wo, na i la dabuju.”

⁶ Na wɔ se m ka, “Wɔ yo awie, mini ti mɔfɔ a, na m kaaki ti kasinfɔ, mini ti deke kere bumboori ni i awieeri a. Sɔnɔ kere bo nzuehɔe tiiri i, m má i nu nzue n bo i ma ngɔɔ ni, na i mi tó má kaari.

⁷ Sɔnɔ kere bo i diiri nasara, m má i ahin aceerim ni, na m yó i Nyeme, na m fá i yo m wa.

⁸ Ama, serefɔm, ni minem bo ba yo má m yarada, ni dangba yofɔm, ni mine kunfɔm, ni nbara kpiniɔm, ni somaya kɔfɔm, ni bo bu di ayiri ngbɛɛnngbɛɛn, ni munzueyifɔm, ni amɔe sufɔm, ni kɔrefɔm kere, bu woobiri la cɛema sin n bo i je ka ferewita na i da ka tieku ni. Nyini yiwee ni ti yiwee nnyɔ su n a.”

Yerusalem fɔfɔre n jɔre

⁹ Na mɛreke kun aba m dɔ, i ti mɛreke nsom bo bu bita awieeri su dɛɛ kekereke ayaba nsom nu kun wɔ, na wɔ ba ase m ka, “Bra, na m kere u Bɔmbaa n konya ni.”

¹⁰ Na Awiewie Casi n dɛɛ yiko nu, na mɛreke n afa m akɔ buka bambaka n bo i ti lenlenge n tii su, na wɔ kere m Yerusalem miɛ kpiri n bo i ti casi ni, i fite Nyeme dɔ angoro sujura ba.

¹¹ Na i je na i ta wein kabo Nyeme jirima woowa n ti ni, na i sujeje kɔkɔre ni sosofura nzue ka afere nyunyumi barasu be bo i da cain ka niɛɛnu.

¹² Ba ta kobe bambaka bo i wo angoro abara aye miɛ ni, na i la anɔ buru ni nnyɔ, anɔm kere su la mɛreke kun kun bo bu jina nminda. Ba kere Yisareli anɔ barasu buru ni nnyɔ n duma agɔ anɔ n kun kun kere su.

¹³ Kobe n bue nna n kere la anɔ nsan nsan, nsan wo wie afiiri, na nsan wo wie atɔɔri, na nsan nsan wo gbɛɛnɔgbɛɛn bue nnyɔ n kere.

¹⁴ Mie n kobe n ajaari seewa yabue n ti buru ni nnyɔ ɔ, ye bu nya taari kobe n taka su. Ba kere Bombaa n jaramasa buru ni nnyɔm duma ago yabue n kun kun kere su.

¹⁵ Na mereke n bo i jɔɔɔri m do n bita sika kara i saa nu, bo i fa sunsun nie kabo mie n ti bambaka barasu, ni kabo kobem n anɔm ti teterɛ barasu, na i kaaki sunsun nie kabo kobe n angoro ti barasu.

¹⁶ Mie n ataari n ti ka sɔɔ langba dɛɛ su wɔ, i tintiin, ni i teterɛ kere se wɔ. Na mereke n afa i sika kara sunsuunwa n asunsun mie ni, i tintiin su ti kilo akpii nnyɔ ni yaa nna wɔ, nyini ti, i tintiin, ni i teterɛ, ni i angoro kere se wɔ.

¹⁷ Na mereke n asunsun kobe n gusu, kabo adamande bo ajaari ni, na i angoro akɔ ayasu ka ajaari boowa kun kun kɔ ju yaa ni aburana ni nna.

¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka nieenu, ata mie n ni i tii.

¹⁹ Yabue n bo bu fa seeri mie n kobe n ajaari n ti yabue barasu nyunyumi, na i kere busu wo i ngumi ngumi. I ti kabo Nyeme sayoowa dɔnguyofɔ kpɛn n sana i tanlee su na i wo i hoe su ni. Bu fere bu ka jasapa, ni safiri, ni agata, ni emeradi,

²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti.

²¹ Bu faari afere fofoe nyunyumi barasu be fa yoori anɔ buru ni nnyɔm n a. Bu faari sika fa

yoori miε n atin natiwa kere a, na i da cain ka niεnu.

²² Ma ηu má Nyeme Sereebiri Awuru be miε n nu, dama ya Mi Nyeme Feme Kpiri n ni Bombaa n ade Nyeme Sereebiri Awuru n jinaabiri a.

²³ Miε n koro má wiε ni sara na bu ta wein ma i, dama Nyeme jirima woowa ni ti i wein a, na Bombaa n ti i fitana.

²⁴ Na durunya n nu adamande barasu kere sunati i wein nu wɔ, na durunya n nu nfemem fa bu ajεke kere ba wura nu.

²⁵ Miε n anɔ ni tεke wɔ sanɔa kere, dama ka kɔngue wo má dɔ.

²⁶ Na adamande barasu kere bo bu wo durunya n nu ni fá bu neɔge kpakpam ni bu jirima na bu fá wura nu.

²⁷ Ama, deke kere bo i ti má casi wúra má miε n nu, ni minem bo bu su amɔem, ni minem bo bu bu kɔrem ni. Má ka minem bo bu duma wo Bombaa ni ηɔɔ kadasi n nu ni ηgumi wúra nu a.

22

¹ Na merεke n akaaki akere m kunma nzue bo i ma ηɔɔ, i da cain kabo niεnu ti n wɔ, i songi fite Nyeme ni Bombaa n femeya bie n nu wɔ,

² na i susongɔ miε n atin n afien ni. Kunma n bue nnyɔ n kere, baka n bo i ma ηɔɔ n jinjina aheme. Na i susu suuwa barasu buru ni nnyɔ afɔ kere, sara kere ni i suuwa. Na bu sufa i nyawa n tuntun durunya n nu adamande kere tɔrem.

³ Deke bo Nyeme ayo i nɔɔ ηgbeen wó má miε n nu. Ama, Nyeme ni Bombaa n femeya bie ni wó dɔ, na i akɔɔm n súsu i.

⁴ Bu ñú i nyunuawa dika kabo i ti barasu, na i kéré i duma gɔ bu ñuma su.

⁵ Awosin wó má dɔ, be koro má fitana dɔ, na bu kaaki koro má wiε dɔ, dama ya Mi Nyeme Feme ni i tii yó bu wein a. Na bu dí femeya bo i la má awieeri.

Kabo Yesu seeri ka i cé má, i káaki ba ni

⁶ Na merεke n akaaki ase m ka, “Ahin nɔaniem n ti nahɔre wɔ, na i ti deke bo sɔnɔ yo i yarada. Ya Mi Nyeme Feme bo i faari i Awiewie Casi n wuraari i nɔanie kanfɔm nu ni, yiri asunma i merεke n ka i ba se i akɔɔm fa kɔ sa bo i yó kisa bere n a.”

⁷ Ya Mibie Yesu ña, “Am so am sui. I cé má, m bá kisa. Terefiε wo sɔnɔ kere bo i deeri nɔanie n bo i wo ahin kadasi n nu na i jɔjɔ fa kɔ sa bo i bá yo n ñu.”

⁸ Mini Yohane tiiri, ye m ñuuri ahin deke n kere, m tiiri na m ñuuri i sɔ ni, na ma kutu merεke n bo i kereeri nyini dekem n jaa bu ka m su i.

⁹ Na wɔ se m ka, má m yo sɔ, ama, m kansi Nyeme ñgumi. Na wɔ kaaki ase m ka, “M ti u beɱgu akɔɔ, ni u ninbaam bo bu ti Nyeme nɔanie kanfɔm, ni bo bu de nɔanie n bo i wo ahin kadasi n nu n be wɔ.”

¹⁰ Na wɔ kaaki ase m ka, má m se ka m fiε nɔanie n bo i wo ahin kadasi n nu na i jɔjɔ fa kɔ sa bo i bá yo n su, dama i cé má, i kere yó kisa.

¹¹ I ña sɔnɔ kere bo i yo satie, ma i kɔ su yo i satie, sɔnɔ kere gusu bo i yo i danɱba sa ni, ma i kɔ su yo i danɱba sa ni, na sɔnɔ kere gusu bo i

yo sakpa, ma i kɔ su yo i sakpa ni, na sɔnɔ kɛrɛ gusu bo i ti casi, ma i kɔ su wo i casi wo.

¹² Ya Mibiɛ Yesu ɲa, “Am so am sui. I cé má, m bá kisa, na m bá tɔ sɔnɔ kɛrɛ kaari kabo i jumayoowa ti barasu.

¹³ Mini ti mɔfɔ a, na m kaaki ti kasinfɔ, mini ti deke kɛrɛ bumboori ni i awieeri n a.”

¹⁴ Terefiɛ wo minɛm bo ba ɲmisi bu suturam ayo casi n dɔ, adena bu koro nya atin di baka n bo i ma ɲgɔɔ n dɛɛ suuwa ni, na bu fa miɛ n anɔ n wura miɛ n nu.

¹⁵ Ama, danɲba yofɔm, ni bo bu di ayiri ɲgbɛɛnɲgbɛɛn, ni bara kpɪnɪfɔm, ni somaya kɔfɔm, ni minɛ kunfɔm, ni amɔɛ sufɔm, ni bo bu bu kɔrɛ bu nɔaniɛ jɔjɔowa ni bu sa yoori nu n kɛrɛ koro wura má miɛ n nu.

¹⁶ “Mini Yesu asunma m mɛrɛkɛ n ka i ba se am ahin jɔrɛ n a, amberɛ bo am wo Kristo jamam n nu ni. Mini ti Fɛmɛ Davidi anuma a, na m ti asaakojo bo i ta ni.”

¹⁷ Awiewiɛ Casi n ni konya n ɲa, “Bra.”

Sɔnɔ kɛrɛ bo i ti ahin, ma i mi gusu se ka, “Bra.”

Na sɔnɔ kɛrɛ bo nzuehɔɛ ati i,

na i koro ɲgɔɔ nzue ni,

i bra na i ba de nu ɲgbɛɛn.

Awieeri su n jɔrɛ

¹⁸ Mini Yohane subɔbɔ sɔnɔ kɛrɛ bo i ti ahin kadasi n nu jɔrɛ fa kɔ sa n bo i bá yo n lɛɛ, ka sɔnɔ kɛrɛ bo i faari nɔaniɛ be bukaari su, Nyɛmɛ fá kekereke n kɛrɛ bo i wo ahin kadasi n nu n buka i mi su.

¹⁹ Na sɔnɔ kɛrɛ gusu bo i yiiri nɔaniɛ n bo i wo ahin kadasi n nu n be, Nyɛmɛ yí i mi n aceeri na i nya má baka n bo i ma ɲgɔɔ n dɛɛ suuwa n be,

na i má i wura má miε casi n nu, kabo ba kεε
bu jεre ahin kadasi n nu.

²⁰ Yiri n bo i di ahin jεrem kεre daani n ase ka,
“Nahεre. I cé má, m bá kisa.”

Ma i yo sε. Ya Mibiε Yesu, bra. Ami.

²¹ Ma ya Mibiε Yesu buka Nyεmε minεm kεre.
Ami.

ΝΥΣΜΕ ΙΟΥΕ ΚΑΔΑΣΙ
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

fe36d0e6-2a60-5e15-8d1c-8bf275389598